



嘉泰吳興志

ル 5
2481
2



門牌65
號 2481
卷 4-2

吳興志卷八

公廨

宋談鑰撰

州治

州治在子城內正北唐武德七年李孝恭築羅城時所
遷也弘道中武太沖嘗以廳前湫窄增其棟宇統記云
孝恭以子城湫窄更築羅城遷刺史宅於子城內其道
西孔子廟遷谿南以其地起椽廨統記又云唐沛郡武
太沖為吳興太守以舊廨前湫窄乃增其棟宇既就有
大白蛇長數丈橫於廳前有筮者曰此項王神也不宜
損宜奠祀之太沖以為正以勝邪吾以子養百姓蛇何

能爲有頃蛇遂死也按唐刺史題名武太沖以弘道二年授

廳事梁乾化二年檢校少保錢傳璟建梁有題識左正佐國功臣制置都指揮使檢校少保前平婺州刺史錢傳璟奉吳越王命建見存舊傳子城爲項王故城晉宋齊梁間皆云其神居郡廳事孔靖晉末爲吳興太守先是吳興頻喪太守皆言項羽神爲卞山主居郡事二千石當避之靖居廳事終無害梁蕭琛天監初爲吳興太守郡有項王廟土人名爲憤王頗靈驗遂於郡廳事安牀置幕爲神坐公私請禱前後二千石晨昏於廳拜祠以輓下牛充祭而避居他室琛至著履登廳事聞空中有

叱聲琛厲色曰生不能與漢高爭天下死據此廳事何也因遷之於廟又禁殺牛解祀以脯代肉

儀門準制列戟十二舊編云舊嘗揭湖州碑以下崇寧間劉給事燾爲吳侗作誌曰譙門舊揭軍額於上而以州名榜於下嘗訝吾鄉山水秀麗舉子不爲第一雅或緣是太守王曾以爲然取州額榜儀門是歲侗魁南省次舉買安宅遂廷試魁天下後因重建儀門仍遷州名於額下
沙墀在廳事前方廣約三丈周以欄楯中實沙土立戒石亭於上
架閣樓在譙門內儀門外之東西偏元祐七年知州事

張詢建凡三十間上為八庫下為八司局房簽判朱振
為記乾道初火今不存西北為添差通判廳事據舊圖
云有敕書樓在州衙內西偏今亦不存
浙西道院在郡廳西即舊吏隱堂也知州事徐仲謀記
曰詞訟清簡稱吏隱堂之號宣和中知州事葛勝仲易
今名
書錦堂在郡宅東顏魯公千祿字碑跋云大歷九年正
月七日於湖州刺史宅東廳書院即其所也後改為燕
堂乾道九年知州事趙師夔改今名
訟稀齋在西廳之西廊舊名靜勝慶元六年知州事李
景和易今名

無倦齋在郡廳側舊號山齋後易以秀知州事陳之茂
易今名有記刻石

通判軍州事廳在子城內州治西偏治平三年張太寧
重建記載作新廡門聯屬迴廊十有六間又建麗澤愛
山一亭清心三小軒淳熙二年萬俟致中重修題名記

嘉祐六年章衡作追書前政二十八人而參政王黼樞
密王堯臣內翰胥偃在焉太寧摹勒前刻龕於壁

通判置自國初至嘉祐三年章衡始立題名追錄自咸
平四年何敏中而下其後相續至政和三年尹材卿凡
五十四人後缺而不錄建炎二年張燾追書之纔得六
人尙闕其到罷歲月至今又二十九人刻於左方
敏中張格劉志寧任巽胥偃歐陽彪
白王黼章若訥丁誦丁文熙崔育林
調王堯臣梁吉甫李荆丁文熙趙威一
向繹章覺劉濤薛長儒郎潔鄭戡程琰

張太寧 滕甫 周延雋 章衡 胥元衡 謝檢
 彭敏行 麻公綽 褚理 楊崧 常千能 胡湘
 逸余中 劉瑄 王璧 張益謙 郭茂倫 毛經
 移治炎 林虛 何鎮 趙演 尹卿 熊伯求
 馮熙績 陳能 徐明達 張維 陸時 鄭待問
 久熙 曾興 吳德興 俞仲并 李孝恭 胡浩 鄭信
 安葵輝 張好問 俞徐植 賈廷佐 尹躬 袁祖 虞翔
 侯數中 張杵 米翔 王濟 周世修 常珠 梁李
 李宗大 史溥 朱侯 李友直 翟峻 王公萬
 唐介壽 添差通判廳在譙門內西偏舊司法之廨也
 紹興七年始為今廳題名有記 添差通判始於紹興初
 至淳熙八年趙亮夫凡二十人有石刻今亦列於左方
 李杵 趙名 趙安 王繼之 董長年 向子昌
 王守道 胡浩 趙善長 張瑜 白彥 張子華
 徐發 曾師 葉綸 趙不韋 趙師嚴 林仁
 趙亮 趙充 曾榮 徐綱

僉判東廳載舊編云在州大廳前今在衙門內天聖中
 章侁作廳壁記治平中狀元許將建亭城上知州事徐
 仲謀名之曰桂香
 教授廳在州學之西東有澹軒政和七年馮晉立淳熙
 三年虞儔重建今廳壁有題名記 題名記曰州學始建
 後常用他官兼領故題名不立崇寧初廣舍法於天下
 州置教授自王昇至淳熙王寅凡三十人到罷歲月俱
 刻之石今錄於後 程滂 何璠 顧文 林景淵
 厚 蔣用行 馮晉 程滂 何璠 顧文 林景淵
 唐堯封 鄭滂 元盃 越敦臨 張洙 王盼 程叔達
 張恪 楊起 沈揆 柴必勝 王明 姚瀛 李知已 虞儔
 何武仲 周世南 柴必勝 王明 姚瀛 李知已 虞儔
 陳洪 唐堯卿 周世南 柴必勝 王明 姚瀛 李知已 虞儔
 添差僉判西廳建在子城外之西舊稅官廨也淳熙中

趙師皋始居之居趙善臨創廳事鄭鎮葺弊添造許關仲啟爲之記

節度掌書記廳

無出身曰觀察支使

在僉判廳西有集虛堂元豐

三年陳師錫爲之有記

錄事參軍廳舊經曰在州門內西偏今在子城外之西面南州院在焉

司理參軍廳在子城外之西面東司理院在焉

司法參軍廳寶元初李惟甫請於郡遷於子城西偏劉異爲記今爲添倅廳徙軍資庫北

司戶參軍廳在司理院南有二軒王三恕爲記
兵馬鈐轄廳寓鴻禧寺

路分都監廳在添差僉判廳西舊兵馬司也兵馬司在

路分廳南兵馬都監寓焉

小使臣爲監押

一小景德寺一南廟

睦宗院在南景德寺西廊紹興中立

永寧倉唐刺史李師悅增蘋洲土建名曰永寧見師悅神道碑後更今名卽省倉也嘉祐七年知州事鮑軻重

修見舊圖經淳熙八年知州事胡南逢重建參議蕭德藻爲記

軍資庫在昭慶門內舊架閣樓之東唐咸通十五年刺史張搏重建題梁見在中爲受輸廳廳北有泉寶樓上

以受幣帛下藏鏹焉嘉祐中知州事張田重修徐仲謀爲記遂刻石於庫門

轉取行都本局熟藥貨賣儲米曰倉貯錢曰庫茶鹽曰場酒稅曰務皆取諸民而資
公家之用者也然取必有予古者有鰥寡孤獨之養有窮困疾病之餼所以為惠也今郡之惠民者有四焉曰義倉以給貧寡乞丐之有籍者曰安濟坊以養老疾者之無歸者曰養遺棄小兒所以收嬰孩安棄之弗育者曰太平惠民局則轉取行都本局之藥以貨焉雖以錢得之而藥材分劑則可倚仗今故表而出之
戶部贍軍酒庫在子城東南

常平庫在子城內

甲仗庫在儀門內之東北隅嘉祐中知州事張田建有

唐紀功碑述元和中辛祕擊李錡功二石在焉統記云有庫樓

公使庫在甲仗庫北

都稅務在霽谿南潭化中潘金庭記云宋朝平一六合

泉貨委積思所以息末崇本始命州縣城市悉置商稅

務以為定式蓋欲隨其俗以便民也吳興初以市物之直一萬則稅五百蓋二十而取一歲入以二十萬實為錢二萬貫今征商五十而取一歲入則十倍而贏豈民物之富商賈之夥非曩時比乎

都酒務在駱駝橋東慶元間知州事李景和重建屋百

十八間及築周圍牆

回易庫附稅務

抽解庫附都稅務

西倉在清源門內北岸臨谿舊圖經載云貯義倉米合同茶場舊

經云在州衙今在清源門南岸

醋庫在子城西南隅有舊廳三間即古煙雨亭也

造船場嘉祐七年知州事鮑軻新創排岸司於蘋洲東岸今附銅官廟

鐵作院今附銅官廟

義倉令人戶納苗帶納義倉米儲在西倉以乞丐人之有籍者

異以收受老癯或病患無家可歸者其屋同門

為民居其巷尚名養濟院按唐會要昌五年十一月

動悲田養病坊緣僧尼還俗無人主持恐殘病無以取

給兩京量給寺田振濟諸州府七項至於十年有養病

貫選老壽一人管當以充粥科人開元十七年有養病

坊碑邵閏之撰見金石錄今乞丐紹興三年知州事王

人所居猶呼悲田坊未詳其處

回復置在奉勝門內霸王廟旁為屋二十七楹號利濟

院即慈感舊名也撥置田畝歲收租養贍差僧行各一

名主管收支紹興三年王檢正任內牒委教授根括孤

病貧乏老病之人於城北霸王廟側建屋

存養撥置田畝歲收租米二百九十石養贍差僧行各

一名主掌收支簿書月給錢五百文米六斗見管老幼

四十來名慶元中通判曾築積三歲主租置田六十四

畝有奇歲收租米三十三石足付院添助養贍田之步

畝契書刻散收養遺棄小兒錢米所舊在州學齊館廳

之於石西隆興二年知州事鄭作肅以遇歲歉貧民有生子不

舉棄之道路者募乳媪收養之月給米一石七歲而止

續又命醫二人治其疾病條事目立石於學教授董其

事收養遺棄嬰兒事自湖州知通判廳訪聞本州貧民

院觀門廊及儀鳳駝兩橋內至曉凍餓死亡災傷年

分光甚郡中曾有長者遇夜策杖親至諸處收養存活

甚多近歲無人接之舉行遂至枉壞性命深可憐愍今

常切常巡察知本地分內有遺棄嬰兒即時報所委人
吏收亦其廂巡每報到有遺棄嬰兒一名支給錢百文
其錢如仰所委人吏具狀申州支給并出榜曉諭諸色
人如遇有遺棄嬰兒即時徑於州學教授所取覆教授
收取赴州亦支上件賞錢一貫文作給兒錢後有收遺棄男
人每名先支與錢一貫文作給兒錢後有收遺棄男
女支米之乳養每名別給錢一貫文作給兒錢後有收遺棄男
乳支米一石置歷請至七歲勿行米仍令乳母每養兒
候年一至七歲勿給月米若乳母願收養為自已男女者
聽一候收養遺棄嬰兒空間待乳養者一勸諭有乳母之
家準備乳常令有乳母空間待乳養者一勸諭有乳母之
兒如有民戶願取為義子孫收養者許其具狀陳乞當
議給付一合支錢於公使庫支米於本州收糶單糧出
贖米內支給數內依條支義倉米一石續又契勘所養
遺棄小兒醫藥一節元失講究自庫熙四年正月始中
使府差委醫官二員遇病治療從公庫依年正月上等例月
各給酒三甌三大節各給碧酒五甌以補藥餌之費
淳熙五年六月提舉常平事張體仁行部捐米五百石
付學添助收養又取在官閒田六百餘畝使學歲收租

以給焉

見給事今郡學以錢收支涉嫌轉屬司法廳掌管頗失創置之本意

烏程縣

知縣事廳事唐時建乾寧三年令李蟾修本朝大中祥
符閒令薛耀卿重修皆有記敕書樓在縣中間亦唐時
建生明軒制錦堂桃露亭松桂堂清閣亭相國池並在
廨內大歷中令李晤生相國紳於縣廨學弄之歲墜此池逾數刻若有物扶持而出既顯邑人因名曰相國池見李蟾修廨舍記
丞廳在縣治東唐時本尉公倉廳至今廳有唐尉陸咸求修功倉廳碑
通以來為主簿廳後置丞始為丞廳
主簿廳在縣治南舊在丞廳後無定止紹興中寓普寧
院見續圖經今在浮玉亭

尉廳唐尉功倉廳即今丞廳也按丞廳有唐文林郎尉陸求咸通中撰烏程縣

再修功倉廳壁記云縣有三尉功倉廳六司是廳所在日功曰倉唐主簿陸求書其後言功倉廳當時尉署之一也舊編云顏真卿放生池碑列諸縣亦三人趙明誠言唐而烏程縣四人■昇望記烏程縣志及此記也續圖經云唐制不應如是之多蓋不嘗見唐志及此記也續圖經陰列烏程尉尉顧察辭希鎬呂遙揚使唐昇望碑大歷中府陳稷撰尉尉亦三人唐新志上縣尉二人又云武德元年改書佐日縣尉尉改日正士縣正四人七年正復日尉開元上縣萬戶以上增尉一人凡縣有司功佐司食佐司戶佐司兵佐司法佐司正縣尉二人滅刑縣有司功上縣有司戶司法而已舊志正縣尉二人司戶司法各四史則尉分轄者也新舊志往述開元任仕之制也左史則尉分轄者也新舊志往述開元任仕之制矣宜其尉有五而開元管戶七萬餘烏程縣萬戶以上必制正允監有置同正員之類皆繫階云云按歐陽詹韓城縣西尉廳壁記云縣亦六曹尉二人一制有戶土倉其署曰東廳一判兵法士其署後徙在定安門外舊有日西廳貞元十五年間作也

水亭

蘇東坡有賦得長字韻詩

靖康初嘗徙入門內紹興初復舊

烏墩鎮稅務在本鎮每字月合發一千七百七貫文經

係本鎮團綱起發赴州庫舊圖經云南稅務一上林坊在縣東南九十里

石渚坊 謝村坊 澗谿坊 舊館坊 五浦坊

裏山坊 丁遙坊 於塔坊 軋村坊 石橋坊 以

上十一坊係民戶買撲每月半納坊名課錢東遷坊

係州郡自開賣 烏墩坊 妙嘉坊 前盧坊 虞渙

坊 以上四坊係戶部差官監造

歸安縣

知縣廳事在子城東一里宣和四年縣令錢耕重建

敕書樓在大門上 手詔亭在敕書樓前 重谿光亭對

敕書樓前臨運河開禧二年邑宰鄭昭先重修 縣廨

內有虛心堂今改曰敬臨東軒今改曰弦歌歲寒堂今

改曰拙齋拙齋之偏曰雙桂堂邑宰王寧有秋夜賞桂詩曰秋風吹天香先著

桂枝裏更挹月露清芬馥喚睡起攬衣夜未央眾喧不

入耳有來蕊珠仙黃袂翠葢底豈無碧雲映為君一啟

齒醉臥金粟閒 絕勝佩蘭芷

丞廳在縣治南采蘋橋東見縣圖經墜釵橋在內舊有武綃

堂不知何人所建乾道中添倅齊慶胄作記嘉泰中頽

圯濡須王栒以俸重建其廣高倍於舊又於堂相對勗

蟾桂亭繞於荷池修竹其西曰來清軒廨宇煥然一新

舊圖經有縣令主簿廨無丞廨烏 主簿廳舊編云在子城東是置時自有廨舍與縣相接

縣今在丞廳西白蘋洲上淳熙乙未主簿喻璪勸建

尉廳在迎春門外運河之南舊迎碧堂太守徐仲謀有詩

內有水積樓後人改曰水雲鄉向池池中有舞臺殊為

勝境靖康中以兵入迎春門內紹興十七年始復舊處

今樓不存有亭仍曰水雲鄉舞臺惟故址在焉

圖經載場務一商稅賣茶鹽場在施渚鎮惟稅場 渚

稅務舊編云額五千省倉常平義倉附州倉 省庫常

平庫在縣治 酒房七處 鹽市坊 西吳坊 思谿

坊 施渚坊 史吳坊 東林坊 長壽坊據縣圖經

坊本縣管催課名錢舊鹽市西吳施渚三處係買撲東

林思谿千金東吳並係戶部差官監造酒息錢徑經本

長興縣

邑治在縣城內西北隅 敕書樓在子城上

知縣廳事開寶六年建有天聖三年縣令張合碑記在焉 後經兵火紹

興五年令張琮重建 無訟堂在小廳 安安堂在宅

堂後 吏隱堂在廳之西 含輝閣在廳後 共賦亭

逍遙亭在後圃 玉方亭振彩亭在後圃池上 涼榭

亭在子城北

丞廳在縣城東南

主簿廳在丞廳東

尉廳在主簿廳東有顧曲堂積春亭直鈞軒

監酒稅廳在尉廳西南

武康縣

知縣廳在舊武康縣餘英谿北隋仁壽六年徙谿南唐

廣德元年袁晁作亂蕩為丘墟二年復移治谿北建炎

中更兵火又成煨燼紹興二年縣令鍾燮始復營造

敕書樓在武康縣中門鍾燮建 手詔亭在武康縣治

前 衙門鍾燮建淳熙二年知縣蔡霖更造 東堂在

武康縣本盡心堂嘉祐三年縣令王震建紹興五年縣

令毛滂作新之毛東堂集所載詩詞甚多 紹興初鍾燮重建二十三

年曾愷復加增葺 公生明軒在武康縣廳事東鍾燮

建 巖桂堂在武康縣東堂後 先春堂在武康縣廳

西淳熙三年知縣丁大聲於其北作雙桂亭裒香閣下

言志八
瞰花池 二柳亭在武康縣圃 寒秀亭在武康縣有
古松毛滂有寒秀亭詩 釣魚臺在武康縣圃東北池
上毛滂敘云疊石爲漁磯在北池上畫舫齋在武康縣
圃西池中毛滂爲齋名畫舫慶元三年知縣丁大聲於
此作亭名歲寒 清心堂在武康縣西園池上鍾燮定
陽縣春亭在武康縣毛滂名有詩潛玉庵在武康縣毛
滂造有詩淳熙十二年知縣程九萬於庵敘石之上植
松種竹作亭於其上名松桂林 餘英志云據毛澤民集
縣治有東園又有西園
今堂宇所占地僅十分之三蓋縣舊無數教場紹興初
知縣燮始析其東爲閱武之所實毛滂今望遠樓之舊
址
丞廳在武康縣治東淳熙二年丞趙彥縉重修

主簿廳在武康縣丞廳東舊寓蕭寺淳熙十二年主簿

趙師詰始買民地勅建

尉廳在武康縣丞廳西乾道三年尉周粹中毀淫祠以

其材重建

毛澤民有尉
圖觀梅詞

監稅廨在武康縣簿廳之南淳熙十三年知縣程九萬

築僧外舍建

稅務在武康縣千秋橋西稅亭慶元五年知縣丁大聲

監稅李留文重建

省倉常平倉在武康縣治門外之

西 省庫常平庫在武康縣治門內東廡 贍軍酒務

在武康縣千秋橋西南酒庫舊係居民買撲乾道七年
始歸之戶部 下渚坊在武康縣下渚名錢屬本縣拘

催發納 砂村在武康縣砂村 上陌坊在武康縣上陌係戶部差官監造酒息錢徑納戶部 教場在武康縣治之東中有射亭 醫院在武康縣贍軍酒庫東知縣丁大聲奉漕檄置倣郡中居養院 漏澤園在武康縣西烏回山密嚴寺之東

德清縣

知縣廳事宣和初縣令趙岵建鄭知幾為記 敕書樓在縣門 手詔亭在縣東前 松竹堂在大廳西舊名宜堂醉花堂芍藥甚盛 浮疏堂梅花最多 縱雲臺在松竹堂後縣令沈造同沈長卿陳祖安常觴詠於上取韓退之釋嶠孤雲縱易今名劉一止為記刻石臺上

山堂在縱雲臺西舊名秀遠 四照亭盡見西面山

香風亭臨荷花池 香雪亭醱醖甚盛

丞廳在縣治東 晉縣云丞廳門北

主簿廳在丞廳西門西 晉縣云主簿門南

尉廳在縣廳東 門南

監稅廳在縣西

下塘巡檢在縣南十八里在紹興二十七年置管土軍

六十人隸臨安府并本州 精武亭前地大

省倉在天寶橋南 省庫常平庫在縣治內 酒庫在

縣西南 教場在尉司前 歷陽張祁有記題其上云浩蕩秋光裏扁舟過德清樓臺

占山影鵝鳴亂灘聲小飲經年別清歌一邑驚娟娟照人月還憶謝宣城

安吉縣

知縣廳事紹興十六年呂靖重建 敕書樓在安吉縣
中門 手詔亭在安吉縣前 燕堂在廳事後 覓雲
亭四畔種花 清淑亭前種海棠 靜涼亭前瞰大池
三角亭舊在縣治邑人俞退翁有春無四面花夜欠一
檐雨之句

丞廳在安吉縣門南

主簿廳在安吉縣門西舊經云在縣門南

尉廳在簿廳西舊經云在縣門外

稅官廳在酒務西

省倉常平倉並在縣治東 省庫常平庫在縣治內

酒稅務在城隍廟北 醋庫在城隍廟南 教場在尉
司後

吳興志卷八

吳興志卷九

山論

不黃輪

南觀

長山

山

東

宋談鑰撰

縣令

郵驛

越

此里

山

不

山

一百二州治

並

今

縣

吳

又

平

望

周有路室候館漢有驛置國章通道皆有驛舍郡縣主
 之凡使命往來及官吏以公事行者率給驛券又古者
 委積之意吳興自昔號僻冷郡白樂天詩曰賓客非特
 有事於其地者不至焉見東坡墨故舊圖經統記諸書
 所載郡境館驛已俱不存艤泊亭宇廢改略盡每監司
 巡按或重客經從迎勞燕饌東於迎春亭南於濯纓亭
 西則寓於祥符寺至授館惟白蘋疊翠三匯雙谿四亭

廢驛三 迎恩驛舊圖經云在子城西南今廢驛程給

券向以其名其地今為贍軍酒庫 西驛舊圖經云在

子城西北今廢 集軒驛統記云在集芳亭亭在白蘋

洲為五亭之一今廢統記又有平里驛今不在本州界

烏程縣

舊圖經載驛四所昇山館在縣東二十四里東遷館在

縣東四十里震澤館在縣東九十一里平望驛在縣東

一百三十里竝云今廢則其廢久矣又平望今不在縣

界今管郵遞如後 九里鋪 橫山鋪 石頭鋪 裏

山鋪 下黃鋪南唐路也 昇山鋪 東遷鋪 橫館鋪

溇谿鋪東門路也

歸安縣

長興縣

簪谿亭在尉南廳後改名按節 南浦亭在沖真觀東

以上在縣治皆迎餞過客之所 畫谿亭在罨畫谿今廢 五勸亭在回

谿橋西南皇祐中縣令許尊建今廢 木瓜堂在金沙泉

上 枕流亭 自躬亭 忘歸亭 金沙亭以上見統

並 披雲亭 仰高亭 鏡會亭以上三亭見舊編云

披雲亭在官山上鏡會亭在啄木嶺唐刺史于頔建取白居易寄賈常州崔湖州詩題其上 廣德

鋪 周瀆鋪 白羊鋪 鈕店鋪 四安鋪

武康縣

遠光亭在縣東北一里後谿之上賓至館焉宣和三年

知縣朱容建邑人劉士英記有石刻慶元六年知縣丁

大聲改築前軒俯流後寢臨郊頗為整潔舊編云亭名取詩言遠而有光華

秀敘亭在縣學之東舊名仁智毛滂改今名

餘英志載崇寧初陳公權來游留題及紹興初張公祁留題絕句餘英館在縣西南

餘英谿上毛滂詩云故國園林改遺亭壁即沈約宗族

所居之地館南有雙鴛沼舊編云舊尼寺基地張子野樂府之雙鴛沼池水溶溶南

北小繞通今廢基尚存 和豐亭在舊教場門前今廢

即此處右亭館四面廢者二餘英志

云縣設遠光亭以待西北之客西秀敘亭則以待東南

來者南谿漲塞舟楫不利故亭亦隨廢云 鋪二 縣

下鋪 砂村鋪

德清縣

成顧亭在天寶橋南前對吳羌山即孔愉放龜之所也

今餘不谿亦號龜谿 西亭在德清縣西前臨通衢後

枕北流唐有詩云送客莫辭秋晚龜谿好處西關 郵

鋪四 香亭鋪 導望鋪 楊灣鋪 宮巷鋪

安吉縣

昇慈館在縣南舊名下昇館 安吉馬驛在南門外

獨松馬驛在獨松嶺下 迎恩門官亭在縣北 蒙泉

在西山其上有亭水味甘冷俞退翁有井貴德不改蒙

以養為功之句 得助亭在丞廳之右詹事沈樞有沽

酒頻留客圍棋不計功之句 郵鋪五 尹家鋪 郎

家鋪 鈕家鋪 獨松鋪 西門鋪

西門山其土有亭水如甘命命恩德有共貴斷不切崇
恩德門官亭立碑北
吳慈館在縣南舊名不具詳 安吉縣志在兩門水
論四 香亭館 尊聖館 恩德館 官巷館
對北無書齊巷云恐恐莫補煉銀應後我康西關
今館不復不設碑儀 西亭在縣南西前臨西關
如願亭在縣南前臨吳山山前餘餘之祀也

吳興志卷九

吳興志卷十

宋談鑰撰

管鎮

州治

統記云管鎮二十四八所已廢名不復存見存而可紀
者施渚大錢東林烏墩東遷市山巡莫安吉長興德清
武康新市四安梅谿水口合谿凡十有六統記作於景
德初元年序云太歲甲辰是當時所管之數已損其三
之一矣本朝熙豐間王存修九域志所載止存其六烏
墩有烏墩歸安有施渚安吉有梅谿長興有四安水口
德清有新市餘悉罷廢後復廢水口置和平今為鎮六

烏墩 施渚 梅谿 四安 新市 和平屬長興 竊攷

鎮戍置將起於後魏唐高祖常為金門鎮將是也後齊以來列為四品制刺每五百人為上鎮三百人為中不及三百人為下置將副掌捍禦又置倉曹兵曹掌倉庫戎器之類自藩鎮勢彊鎮參軍將之權漸重憲宗時李錡反至令管下五郡鎮將殺五郡太守辛祕等先能殺鎮將然後能發兵而蘇州刺史反為鎮將所執即此可見自是之後以至五代為弊益甚兵權分裂聚斂無藝故兵主於鎮將而財賦器甲則主於參軍鎮將又率用親隨煩苛刻剝無所不至民不聊生縣官雖掌民事束手委聽而已人至以長官為戲置鎮繁多而每縣又有

鎮者以此

如安吉縣有安吉鎮德清縣有德清鎮他郡亦然如吳江縣有吳江鎮之類

本朝

平定諸國收藩鎮權縣之有兵者知縣帶都監或監押

升朝官帶都監今京以下帶監押財賦則參丞貳諸鎮省罷略盡所以

存者特曰監鎮主煙火兼征商至於離縣稍遠者則有

巡檢寨為萬世良法

烏程縣圖經又云合溪今魏興豐以新水口又

唐至吳越縣之鎮戍多矣本朝景德中止管鎮二曰烏

墩曰大錢戍一曰平望見舊圖經後平望撥入平江界熙寧

中止存烏墩一鎮見九域志今鎮寨各一烏墩鎮在縣東

南九十里大錢巡檢寨在縣北十八里

歸安縣

長興縣

圖經載鎮四所四安在縣西南九十里和平在縣南五十四里水口在縣北三十里合谿在縣西北二十五里統記所載四安水口合谿之外又有長興鎮而九域志止有四安水口舊編止有四安和平各二鎮而已竊攷長興之廢久矣圖經又云合谿今廢熙豐以後水口又廢近者和平又廢止存四安一鎮今鎮寨一四安鎮在縣西南九十里四安管界巡檢寨在縣南三十三里

呂山巡檢寨在呂山

武康縣

德清縣

安吉縣

據舊圖經云有鎮二安吉鎮在縣北梅谿鎮在縣東北續據九域志云有梅谿一鎮則安吉鎮之廢久矣今有鎮寨各一梅谿在縣東北三十里幽嶺巡檢寨在縣南六十里

吳興志卷十

續

吳興志卷十一

續

府學在府治西一里唐初有孔子廟在霅谿南學附焉
 統記云郡初有孔子廟武德中李孝恭遷於霅谿南唐
 志高祖初制郡學縣各置生員貞觀四年詔州縣學皆
 作孔子廟又舊圖經孔子廟在子城南一百一十步州
 學亦曰在州城南一百一十步乃知祥符以前學附於
 廟
 學置經學博士助教生員六十員
 唐志武德初郡置縣
 學博士助教學生又

日上郡學置生六十員湖為上郡 天寶中州助教博士及學徒會食師

資詔廢惟留州補助教一人學生二人備春秋二社歲

賦鄉飲酒而已見舊圖經大歷五年刺史蕭定加助教二人

學生二十員後又廢見舊圖經本朝寶元二年知州事滕宗

諒表請於朝建學今廢處明年四月敕書至錫名州學

仍錫田五夫六月學成重門廣殿講堂書閣齋舍庖湏

皆具為屋百二十楹張方平為記蔡襄大書勒石石曼

卿又書敕建州學額揭於儀門延安定胡瑗主學四方

之士雲集受業學初為十八環建有亭曰觀德時朝旨

令賜第進士習射上親閱於殿廷賞賜有差故郡置圃

取孔子夔相之義

祠堂始立曰三先生祠安定胡瑗太守滕宗諒祕丞朱

臨也後教授趙臨以樞密胡宿墓誌言治湖郡時立祠

於學教授沈揆以知州事鮑軻增置學田圖形附焉曰

五先生祠後又以知州事顏真卿蘇軾王十朋豫其閒

凡八人紹熙元年始以安定自為祠塑像於倫堂左偏

其右為七賢祠見紀事學中有官書淳化二年二月敕

月歲久散失不全知州事張澈置書四百二十四卷又

補寫不全書合新舊書凡二百六十五部一千四百四

十八卷司書掌之有籍以嚴出納

齋館在學之左郡守釋奠齋宿之所

瞻學田記寶元間建學朝旨賜田五百畝後以其田瀕

湖多潦歲入無幾養士不給嘉祐七年知州事鮑軻聞

秀州松楊涇有民訟田連年不決者官將兩奪之乃貽書懇轉運使貸錢六十萬得之計七頃一十九畝有奇是歲秋成得租米三百二石田當沃壤無旱潦患其後又箱益僦屋緡錢歲入倍增歲久屋多摧毀田亦多湮沒舊有經界寬贖田僅二頃隸歲崇德者紹興中黠胥詭獻爲營田乾道卽廟旁用學廩售薛氏余氏地爲之後七年罷舍法日就頽毀自是而後詔下興賢莫有定所乾道三年知州事王十朋率卿大夫出財重建爲屋百十六楹狀元張孝祥書額郡人大諫劉度爲記司業芮燁書宣和五年後進士舉與計偕者八百人時終場六年朝旨均諸郡皆額增二人後并流寓又增一人慶自是解發十一名而終場進士四五倍於宣和間矣慶

元六年知州事李景和又闢銅官廟後堂地添屋二十五間別爲一門以鄉邦士子日盛舊屋窄狹每遇科舉旋搭席屋且布有風雨霑溼之患又入院擁併有蹂踐之慮故也

烏程縣

唐初郡縣皆有學本郡舊有孔子廟郡學在焉縣學未聞也本朝崇寧中行三舍法縣學在州學之東後附州學東偏池上又遷在齋館東廊又遷在禮象閣東序口後復遷於池之東

歸安縣

崇寧中附學見續圖經後附州學東偏池上後又移州

學置齋館西廊後在禮象閣下西序今復移池之東

長興縣

五年邑室聞人觀國觀時遵其父武經君頤遺命遣作大成殿先聖睟容及先師十哲像揭徽宗御書殿額郡之人蕭德藻作記具載顛末命教堂在大成殿後博文約禮志道依仁四齋分列兩廡書籍庫在殿之東榮祭器庫在殿之西榮齋館在堂之東偏學長位在堂之西偏眾職事位在門左右視郡庠具體而微視諸邑爲勝有毛劉二先生祠堂在命教堂東偏毛卽毛滂劉卽邑人死節劉公士英也

德清縣

舊學在德清縣南一百二十步至聖文宣王殿在縣學本朝舊有故相陳堯佐所撰碑康定元年命天下州學縣建學遂因廟爲之建炎中經兵火紹興中縣令楊鈇重修有大成殿講堂後有職事位兩廊分四齋故參政沈與求撰記刻石淳熙中縣令沈杞復加葺治額吳興郡公李彥穎書

安吉縣

故基不存紹興初縣令馮康始建今學後呂靖勅大成殿模刻徽宗皇帝御書榜在講堂分四齋置贍學田二百畝學牌清所書徐良能重修見續圖經

百... 吳興志卷十一

吳興志卷十一

宋談鑰撰

軍營

州治

郡有軍額以防衛不然也唐自中葉尾大不掉權歸藩鎮支郡之守兵賦亦得而專之至於五代偏方割據民被其毒慘矣太祖皇帝悉收天下之兵權歸於朝廷選天下驍銳萃於京師以弱州郡之勢太宗皇帝混一寰海遵守宏謨州之軍營見於李宗諤圖經者三所而已所曰屯駐曰崇節曰水軍其後漸加增置今為營八威果營在子城西南第六十三指揮元額雄節在子城

西北第十一指揮元額四千全捷營在子城西第十九

額四百人今管龍騎在牢城營元無額以雜記加役人

右禁軍四崇節營在子城北第十七指揮元額二百

第十八指揮元額三百壯城營在子城西南元額三百

水軍營在子城北開江第四指揮元額二百牢城營

在子城北元無額係雜記加役人見管一百六人右廂軍四廢

營三屯駐營按舊圖經云在子城西廬州寧海指揮開

江營舊圖經有之舊馬軍營舊編云在駱駝橋北今

教場在郡治西北廳宇濞熙八年知州事胡南逢重建

榜曰正己亭宋趙鼎

唐有射堂在白蘋洲西貞元十六年刺史李詞建堂五

閒西北東西廊及廚亭共七十閒棟宇做豁檐廊窈窕

春秋二教及習射悉於此今廢顏真卿有射堂記碑在

墨妙亭當景福寺

古蹟出敘

唐開元中李適之為湖州別駕南峴山有石觴可貯五

斗酒適之每攜其所親友登山酣飲望帝鄉時以一醉

士民呼為李相石樽顏真卿及門生弟姪多攜酒巵楫

以遊作李相石樽宴集聯句敘云因積溜渌石嵌為樽

形公注酒其中結字環飲之處興自東晉以來

吳孫皓父陵在烏程縣之西陵山號為明陵相連下山

墨妙亭本朝熙寧閒孫覺曾建此亭東坡蘇軾為記有

言元一二
云熙寧四年十一月高郵孫莘老自廣德移吳興其明年二月作墨妙亭於府第之北逍遙堂之東取凡境內自漢以來古文遺刻以實之吳興自東晉以來爲善地號爲山水清遠其民足於魚稻蒲蓮之利寡求而不爭賓客非特有事於其地者不至焉故凡守郡者率以風流嘯詠投壺飲酒爲事自莘老之至而歲適大水上田皆不登湖人大饑將相率云去莘老大振廩勸分躬自拊循勞來出於至誠富有餘者皆出穀以佐官所活至不可勝記當是時朝廷方更化立法使者旁午以爲莘老當日夜治文書赴期會不能復從容自得如故事而莘老益喜賓客賦詩飲酒爲樂又以其餘暇網羅遺逸

得前人賦詠數百篇爲吳興新集其刻畫尙存而僮仆斷缺於荒陂野草之間者又皆集於此亭是歲十二月余以事至湖同覽歎息而莘老求文爲記其後故安州在武康縣唐志云李子通立安州後廢故東遷州在烏程縣東四十一里輿地志云晉太康元年分烏程縣東鄉置隋平陳併入烏程其後精舍禪院在歸安縣施渚清州刺史管敘捨宅爲寺白樂天寄題詩云慣遊山水住南州行盡天台及虎丘惟有上強精舍寺最堪遊處未曾遊夷堅志云壁間有詩云昔作梁朝相今爲普靜神千年英魄在代代護僧人堯氏廟在堯市皮日休茶陽詩云今有堯氏廟

吳夫槩王廟在吳興水滸大帝廟在羅城內吳赤烏五年所建有碑外孟郊祠在武康縣西一里即唐孟郊舊居云上下箬在州西谿上生箭箬南岸曰上箬北岸曰下箬二箬皆村名土人取下箬水釀酒醇美勝於雲陽俗稱下箬酒韋昭吳錄云箬下酒有名又吳興記云上箬下箬並出美酒白樂天詩云勞將下箬忘憂物寄與江城愛酒翁又劉夢得詩云鸚鵡杯中箬下春外陳高祖臺在州西北三十里陳高祖微時垂釣之所其上有池名曰高祖磨劍池又陳高祖聖井在州東廣惠院高祖初生井泉湧出家人

汲以浴之後名聖井

晏子城在長興西南一百二十里晏子鄉吳地志云齊晏子娶吳王女築此城

故長城縣廢城地理志云在長興縣東南之十八里晉太康中分烏程置長城縣於富陂村

貢茶院在西四十五里唐貞元十七年刺史李詞置以吉祥院東廊爲院

吳夫槩王城即長興廊下

吳大業王琳明吳興福
古補記東瀛錄
夏茶湖在西北十五里
太湖中各島湖皆吳興
太湖中各島湖皆吳興
吳興縣志云在縣東南
吳興縣志云在縣東南
吳興縣志云在縣東南

以舊經所載在縣之東南者凡九所列於後雖未審其

確然以地勢攷之則近之矣 吳九江太守姚渠墓在

安縣南六十里大將軍朱治墓在歸安縣南十二里統

馬當陽侯施績墓在歸安縣南六十里又見石柱記左大司

南一十九里宋南郡太守王道護墓在歸安縣南八里御史中

丞鈕滔墓在歸安縣南一十九里梁青史董知達墓在歸安縣南六十里泰

州刺史姚志墓在歸安縣南十四里舊編云吳無宣城

太守王珍孫墓在歸安縣南十八里舊編云吳元宣城

也人長興縣

陳瑞陵在長興縣治西北五里陳景帝陵高祖之父也

墓在德清縣北十五里齊徵士沈麟士墓在德清縣南吳羌山下大中大夫

朱安期墓在德清縣東南新市鎮晉鎮國大將軍朱泗墓在德清縣東南

鎮新市驃騎將軍餘不亭侯孔愉墓在德清縣西南城山下

安吉縣

後漢驃騎將軍萬豪墓在安吉縣南五十五里吳揚州別駕偏將

軍朱紀墓在安吉縣西八里晉黃門侍郎萬先墓在安吉縣北十里晉

高僧曇法師兩生墓在安吉縣東北二十里曇法師姓康

為曇法師居縣崑山寺兩生葬於此地

吳興志卷十二

吳興志卷十三

宮室

銷暑樓在譙門東唐貞元十五年李詞建有詩四韻給事中韋某等詩六首開成中刺史楊漢公重修畢工在中秋日有詩四首大中閒刺史蘇時有銷暑樓八韻杜牧顧況亦有詩會景樓在清風之下銷暑之上舊未有名治平中知州事徐仲謀以為高下得所景物羣會取今名有記清風樓在會景樓東貞元十三年刺史王浦重建宏壯於舊見統記上有張文規詩云清風樓下草初出明月

峽中茶始生謂此也徐仲謀詩曰郡城重疊聳危樓最愛清風景物優說者謂此樓與銷暑會景棟宇相接如修廊盛暑無畏日而清風常有因得名今合宜臨卞蒼樓在子城北本名天王樓有毘沙門天王在焉曰卞蒼者取徐陵碑高卞蒼蒼爲義

右四樓並建郡圃徐仲謀會景樓記曰吳興郡環子城有十樓除消暑清風會景卞蒼見存外餘竝不存清風銷暑二樓谿山環列俯視萬井爲一郡登覽勝地自唐楊漢公再葺至後元祐呂溫卿復增闢今又百三十有餘年歲月悠久清風雖敲側尙可支惟銷暑風雨摧剝榱棟已腐嘉定癸未郡守宋濟卽故陞

累土爲臺撤而新之規模宏敞與清風會景併加葺治稍復舊貫

明月樓在子城西南隅知州事徐仲謀會景樓記云由臺門而西至明月樓建已久矣自譙門火止存舊趾舊編載唐人范傳正正月十五夜翫月詩有風淒城上樓月滿庾公樓夕照下西樓之句指言此樓蓋楊漢公八月十五日夜銷暑樓翫月有人在虛空月在谿谿上玉樓樓上月沈城上十樓未有確據也又云舊傳郡治大廳居中譙門翼其前卞蒼擁其後清風會景銷暑蜿蜒於左有青龍象明月一樓獨峙西南隅爲虎踞之形合陰陽家之說

賞春樓 望闕樓 翫景樓 映谿樓 照霞樓並開

成中造在子城上及四隅今無可攷或云今清風明月

等樓或易舊名未可知也外又有三樓亦廢景龍書院

韻海樓唐大歷七年刺史顏真卿建真卿在郡著韻海

鏡源三百六十卷因以為名今廢見舊經編

鎮湖樓徐仲謀詩云湖上風濤或泛浮城南因立鎮湖

樓今不存見舊編

魚脯樓舊編云在儀鳳橋南塊東首歲貢魚脯就此樓

修製樓屋至今雄壯析為民居今有魚樓界尚存舊名

鎮雲樓舊扁曰銷暑銷暑與清風會景為三樓鼎峙於

子城之東南隅舊編郡治譙門翼前十蒼擁後而三樓

蜿蜒於左有青龍象為郡偉觀寶慶丁亥秋颶風樓俱

壞漳祐壬子知州事高衡孫營舊址建二樓銷暑改曰鎮

霄清風為複閣仍舊名而更為東西鄉曩之會景樓則

為修廊使相聯屬二樓雖因唐舊而規模宏麗則遠過之

記

六客堂在湖州府郡圃中熙寧中知州事李常作六客

詞元祐中知州事張詢復為六客之集作六客詞序曰

昔李公擇為此郡張子野劉孝叔在焉而楊元素蘇子

瞻陳令舉過之會於碧瀾堂子野作六客詞傳於四方

今僕守是郡子瞻與曹子方劉景文蘇伯固張秉道來

過與僕為六而向之六客獨子瞻在復繼前作子野為前六客詞子瞻為後六客詞與賡和篇竝刻墨妙亭後人歆豔遂以名堂
逍遙堂在六客堂右知州事唐詢重建徐仲謀詩曰安寢有時延皓月閉門無處不清風棟宇甲於郡圃六客熙堂在逍遙堂北嘉定三年知州事魏大中修易名思政四年知州楊長孺改浙西道院
四賢堂在鎮書樓之下知州高衡孫因建樓即樓北虛地為小圃立四賢祠於堂所以景仰先哲垂訓後來也四賢乃內史王公太傅謝公忠烈顏公文忠蘇公皆郡之賢守云

碧瀾堂在子城南一百步雪谿之西岸唐大中四年刺史杜牧建中和五年刺史孫儲記云牧去後郡人望所建碧瀾堂若視甘棠本朝漕使陳堯佐張逸俱有詩及他篇詠刻石墨妙亭慶歷八年知州事唐詢修紹興十年知州事蕭振重修乾道初居民遺火延燎知州事王時升重建人謂不如舊制宏壯歲久復不葺嘉定三年知州事魏大中重修且即堂後增砌水閣榜為水晶勝境
水堂在汀風閣北舊編云舊名南堂
梁太守柳惲與主簿吳均常賦詩故均有夜發南塘詩唐大歷中刺史裴清重修改名刺史顏真卿有水堂送文士詩刺史張文規有水堂晚眺詩堂北有迎恩驛建炎中郡增置今亦為瞻軍等酒庫此較務遂併汀風閣與驛為之也

苕谿館舊圖經曰嘉祐二年知州事楊紘建今爲轉運
提刑司按苕谿在儀鳳橋故舊編云在湖州府子城
西南亦不詳所在

雲谿館統記云在府南二百步本名白蘋館舊編云在
白蘋洲西南梁太守蕭琛置唐開元二十四年刺史韋明
敷改爲開政館大歷元年刺史顏真卿改今名以其臨
雲谿也刺史杜牧之有得替後移居雲谿館詩四韻自
洲爲倉縣廢其址卽今雙谿亭統記以爲錢氏改爲碧
瀾堂誤也城外又有謝堂館在謝塘見謝塘下

昇仙館在府城東一十八里正元十年刺史于頔置
東遷館在府東四十里本名太湖館開元二十九年刺

史張景遵置大歷九年刺史顏真卿易今名以其在晉
東遷縣故地也正元十年刺史于頔以其近昇仙館移
向東二十里嚴邨置之

震澤館在德清縣東九十里開元二十九年刺史張景
遵置取震澤名

餘不館在德清縣南二百步唐天授二年置以臨餘不
谿也近市亭山竝廢

汀風閣在碧瀾堂北統記云在府南一百步或使命至
泊於此今爲贍軍酒庫

苑囿

都有苑囿所以爲郡侯燕衍邦人游息之地也士大夫

從官自公鞅掌之餘亦欲舒豫乃人之至情方春百卉
敷腴居人士女競出遊賞亦四方風土所同也故郡必
有苑囿與民同樂囿為亭觀又欲使燕者款行者憩也
故亭堂樓臺之在園囿者宜附見焉吳興山水清遠城
據其會騷人墨客狀其景者曰水晶宮曰水雲鄉曰極
樂城楊漢公詩曰谿上玉樓樓上月清光合作水晶宮
景祐中王惟正送葉參知鄉郡詩曰雲谿水雲鄉元祐
中知州事林希因上地圖詩云繞郭芙蓉拍岸平花深
蕩槩不聞聲萬家笑語荷香裏知是人間極樂城一城
之內觸處見山洛陽民居見山出見山錢觸處可以引谿流故凡為苑
囿必景物幽雅雖近市如在雲巖江邨所以為貴也唐

開成中白蘋洲有三園錢氏時清源門內有芳菲園宋
寶元中定安門內有南園今者是園廢為庾廩矣為居
宅矣為招提矣園之亭館自白蘋外俱不可見鄉老寓
公多為芳圃亭宇相望沼沚旁聯花木蒨茂遊者爭眩
物故不能兩盛也城北舊有俞安撫園向安撫園今有
趙太師園葉左司園城南舊有沈尚書園今有萬侍郎
南園月河有莫郎中園其他未易悉數郡圃在郡治之
後

亭

清樾亭在墨妙亭南今廢
墨妙亭在清樾亭北熙寧中知州事孫覺建蘇軾記云

凡境內自漢以來古文遺刻取以實之又有詩一時名
公相繼有作舊刻不存蔣璨復書於石嘉定四年知州
事魏大中重建

芳菲亭在墨妙亭之前

快哉亭在子城上東北隅

挽翠亭舊在子城東北角慶元六年知州事李景和重

修於六客堂北

八角亭唐大歷中刺史顏真卿始翦榛棘疏谿流以建
茅亭亦顏公建書柳惲江南曲於上後楊漢公作五亭
有記因列茅亭及舊址於碑

迎春亭在東門內唐刺史杜牧造孫儲白蘋亭記云杜

公遺愛所建迎春亭郡人視之猶甘棠後嘗改爲驛今
復亭名

濯纓亭在南門內紹興初知州事朱勝非建瞰餘不谿
清水故以濯纓爲名

白蘋亭在白蘋洲北唐正元中建後刺史楊漢公重葺

白居易記曰以其架大漢跨長洲者謂之白蘋亭蘋洲
諸亭自築倉後惟此獨存紹興中郡以假寓公遂致廢
壞慶元六年知州事李景和重建殿中侍御史陳謙書
額又修石橋及橋亭廊廡又於亭相對創後屋三間丹
牕一新復還舊觀

疊翠亭在白蘋亭北小橋之外臨水面南山一帶故名

疊翠慶元六年知州事李景和重修知州趙師夔書額
雙谿亭在洲西南即雪谿館舊址以二水名淳熙二年
知州事趙師夔修亭無又於亭畔建三閘
三匯亭在疊翠亭北以眾谿所會名亭以為公廨者二
會谿亭在白蘋亭北近運河水會雪谿處故名今為歸
安主簿廨舍乾道中主簿沈與求請建
浮玉亭在烏程縣南臨苕谿舊扁按顏魯公集有柳惲
西亭記云湖州烏程縣南水亭即柳惲西亭也又引吳
均入東記云惲為郡起西亭毘山二亭悉有詩又引陸
羽圖記云西亭在城西南二里烏程縣南六十步跨苕
谿為之天監十六年所建以其在郡治西故名或曰即

柳惲亭也惲初作亭嘗與吳均賦詩後嘗名雪水堂唐
隋州刺史劉長卿有題烏程李明府雪水堂詩又名水
樓監察御史皇甫曾有烏程水樓留別詩本朝天聖中
縣令方仲弓重修以亭臨苕谿水來自浮玉山故易令
名判官鄭戩為記今為烏程主簿廨舍來歲與對
東亭統記云在東門外三里臨荻塘四代令
西亭在西門外臨谿惲有造西亭詩五韻舊為迎送客
處今不存
艤舟亭在白蘋館北舊經云臨雪谿
煙雨亭在府西南八十六步舊圖經云唐烏程令李何
建亭宇并敞棚六間咸通五年刺史姜源重再修自為

煙雨亭記今醋庫即遺址
四水亭在安定門內馬公橋南宣和中知州事葛勝仲
建今廢

六客亭在郡圃中元祐中張詢復作後序曰昔李公擇
爲此郡張子野劉孝叔在焉而楊元蘇子瞻陳令舉過
之會於碧瀾堂子野作六客詞傳於四方今僕守是邦
子瞻與曹子方劉景文蘇伯固張秉道來過與僕爲六
而向之六客獨子瞻在復繼前作子野爲前六客詞而
子瞻爲後六客詞
歲寒臺倚子城東壁旁有古松係郡圃經遊之所
毘山亭在毘山梁吳興太守柳惲所創惲與郡主簿吳

均有毘山亭贈答詩今廢

立廟祠廟

古者法施於民以勞定國以死勤事禦大菑捍大患者
繫祀典郡邑之間亦有陰佑一方英靈赫著受封額於
朝廷垂聲華於竹帛者各廟食於其地尸而祝之孰曰
非宜非此族也而舞巫覡列牲酒謂之淫祀吳興風俗
人每以尙淫祀言今考據圖經統記舊編所載詳覈事
始著之於後
蔣帝廟飛蝗入耳銅官廟巫臥高柯梓廟華鳥啄令目
語尤怪誕蓋郡邑有祠所以爲民水旱疾疫之禱其繫

祀典載圖志陰佑斯土廟食歲久者固不可廢正不必
援神怪以詩誣於無知之毗也今故存其事而刊其詞
城隍廟所在州縣皆有之莫詳事始唐杜牧爲黃州刺
史有祭城隍廟祈雨文二首則郡之有是祀其來久矣
州舊有廟紹興十八年知州事趙叔岑重建廟宇裝飾
殊嚴整

吳文皇帝廟在儀鳳橋南本名吳太子和廟在州西陵
旁皓嗣位後別扞於今處隋季廟毀唐初重立以和曾
封南陽王曰孫王廟大歷十年刺史顏真卿以嘗追尊
立廟改爲吳文皇帝廟大和八年敬所重修有碑胡季
良撰舊圖經云吳赤烏五年建續圖經云皓嗣位始

扞祠今處廟之建安得在孫權時赤烏年誣也統記
云在州南一里五十步括地志云烏程縣南有吳太子
和廟初在州西山陵側廟高一丈二尺周回二百一十
步耆老以其縣有文皇帝陵又孫皓嘗封烏程侯乃於
今處別扞祠宇舊編云太子和以罪廢居故鄣死永安
元年皓封烏程縣侯始創祠於駱駝橋東荻塘上及嗣
位追尊帝號移置今處皓嘗遣使至廟下迎其神主來
建業儀物甚縟廟有碑按吳志孫和赤烏元年立爲太
子後以讒閒徙故鄣大元二年封南陽王遣之長沙權
薨和徙新都賜死孫休立封子皓爲烏程侯始自新都
之本國皓卽祚追諡文皇帝改葬明陵寶鼎二年遣孟

仁等以靈輿法駕迎神於明陵舊編所載亦未詳審
郭尙書廟神諱璞晉元帝時爲尙書郎舊傳城之初立
璞相視陰陽俾無兵革患故得血食女預其議因以從
祀舊祠在臨湖門外至國朝端拱中知州事鄭建始建
置今處有記存續圖經云以晉史攷之郭於吳興無功
績舊傳遷城置郡在寶鼎元年璞當晉惠懷後避地東
南事不相類故鄭記但述其文學遷城事辨詳見城池
下言古以其神文皇帝對天
忠烈廟紹興三年敕賜廟額神卽唐顏魯公眞卿也公
大歷閒爲刺史遺跡不一見郡守事迹下忠烈言行猶
可想見嘉祐中郡人建神祠通判章衡遂塑魯公像於

中其後知州事張田增葺給事元絳宓學王琪俱有詩
刻又移公所書千祿字碑放生池碑項王碑射堂碑列
於兩廡後又附以乞米等帖宣和中知州事葛勝仲臨
池建堂榜曰懷忠紹興初知州事汪藻以事上於朝始
賜今額仍新廟貌乾道四年郡人以趙子璘祠附於右
淳熙九年又以蘇軾祠附焉二公皆舊爲刺史蘇公之
忠國趙公之捍城亦邦人所仰云
靈祐廟在子城北宣和中敕賜廟額封神昭應侯神姓
曹諱清烏程人父嘗殺人繫獄自誣手刃代受重辟旣
歿殊顯靈異有祈輒應初寓祀於靈濟祠宣和初盜起
清谿犯歛及杭近郊復有陸盜千餘人且及城下知州

事王倚見神於夢已而守城者夜覩異人冠服華侈往來雉堞間轉相告語知神陰助賊平州圭其事遂有封額之賜及度地建廟爲屋七十楹郡人劉燾爲記竝書碑在廟廟有井遇歲大疫飲者輒漸愈
靈濟廟在子城西北報恩觀之右廣德祠山張王也有敕賜廟額累封王爵王後漢人初居郡之白鶴山唐顏真卿碑載其事乾寧中邑人避宣城亂寓居卞山立草堂祀神時李師悅爲守夢神可授館乃建祠於卞山之隅
顯靈集云王諱激姓張後漢時人初居苕谿之白鶴山注云其事見湖州碑大歷九年刺史顏真卿書重立徐浩題額碑載新室之亂野火隳其祠本朝大觀

丁亥歲知廣德軍張競辰得之撫其殘缺之餘刻石於廟今舊碑不復存又載湖州刺史李師悅記云授館事又統記云舊傳王之柳趙二姬實白鶴山之人建中靖國初知州事徐鐸始創今廟爲屋三十四楹曰行廟有碑口絡撰碑在廟額題爲行廟以卞山下有廟也今卞山廟廢定安門外又創別祠
德貺廟在吳文皇帝廟之左崇寧初敕賜廟額神姓沈諱約宋時人沈爲吳興著姓約在宋以文名官至左僕射特進俗號吳興地主不詳創廟之始
西楚霸王廟在北二里舊項王廟在子城西北內隅以其地爲項王故城也自後漢以來有之宋永初中廢統

記云子城內地爲項籍故城有古項王廟以永初二年中廢後又興廟於楚帝寺又云當後漢吳晉時有二廟一在下山一在子城內宋永初二年竝廢尋以其靈驗置於州北二里今項王寺也舊圖經云在烏程縣東北四里南齊書曰李安人爲吳興太守舊方伯到郡者皆殺輓下牛祭項籍神然後方上安人不信牛無故自死埋於廟側號李公牛豕梁典云蕭琛爲吳興太守移神歸廟事見郡守事迹下 陳高祖永定二年於舊廟西北一里更立新廟遣中書舍人韋鼎冊拜神爲楚帝唐顏真卿於碑陰述王與叔父梁避仇吳中蓋今湖州也靈應事迹頗多陸羽圖經亦具載南史臨汝侯蕭猷爲

太守與楚王神交飲至一斛每酬祀盡歡猷醉神形亦有酒色祈禱必從後爲益州刺史齊苟兒反眾十餘攻州城猷兵糧俱盡乃遙禱請救是日田父有逢一騎衣鐵從東方來俄有數百騎如風一騎過請飲田父問爲誰曰吳興楚王來救臨汝侯當此時廟中祈請無驗十餘日乃見侍衛士偶皆泥溼如汗者又統記載唐狄仁傑承制應天下神廟非典禮者悉除父老以項王廟爲請仁傑試齋宿於廟中夜見偉人曰吾西楚霸王也自國家起義兵及征遼吾常以陰兵佐之今以功獲焚柰何仁傑許其完葺至曉以牢酒祭奠其廟至今存通靈王廟在甘棠橋與橋相直舊謂之銅官山趙監廟

見舊圖經統記漢吳王令監督胥靡鑿山采銅不忍虐
今俗呼銅官廟吳興錄顧野王輿地志唐

用其民山覆而死因以立廟及寰宇記皆不載其名

同光中敕封為通靈王清泰二年加封福善

保仁王廟本在武康縣銅官山今廟國初第曰廨宇統記

云武康銅官山有廟州東南亦有廨宇見存元符元年知州事豐稷重修郡

人姚舜仁撰記題曰重修通靈王廟記云

蘇將軍廟在臨湖門內郭尚書廟碑云移置蘇驃騎堂

之上廟之置久矣按南史宋封蘇侯神為驃騎將軍神

即蘇侯續圖經云所載經及郡人曾於此廟獨見於鄭

峻然峻本張掖人嘗寇江南口口建康自為驃騎領

軍將軍而初不及此竟置神像亦有依憑者耶今按南

史文帝諸子邵傳劭排鳳正輦迎蔣神侯像於宮內乞

恩拜為大司馬封王蘇侯為驃騎將軍使南平王鏐為

祝文今廟在武康則蘇侯有廟在城下事相類也特建

之由續圖經之言未嘗攷此又蘇峻起兵蔣侯事見武

康蔣侯廟下况峻自為驃騎神

信為蘇峻但事涉怪謬不足載

防風氏祠在郭尚書蘇將軍廟之閒廟在封禺山城下

亦為小祠舊傳寧化寺防置之宅也見統記

項王廟在縣東北四里唐天祐四年建即亦山下祠也

今廢見舊圖經

靈祐廟在西陽即昭應侯所居也州城又有廟詳見郡

徐孺子廟在孺山見孺山下

李靖廟在古山舊編云有唐吳有賜額及碑志可考

沈將軍廟在烏程縣昇山神諱清唐婺州刺史大歷中

李希烈陷汴州浙東西觀察使韓滉使勒嘉興子弟四
百人翼於潤州交點土眾發自昇山逐逆黨至汴口力
戰而死詔贈衛尉少卿兼左金吾衛將軍卽發軍之地
置祠光啟三年再新廟貌有記具載其事按唐史憲宗
時李希烈反
韓滉爲浙江東西觀察使希烈陷汴州滉遣裨將王
栖耀李長榮柏良器以勁卒萬人進討次睢陽破之
顯利侯廟在卞山山之巔有龍池麓有龍洞熙寧四年
大水明年春復苦雨知州事孫覺禱焉應期雨止年遂
有秋明年始建祠七年春不雨知州事常禱於祠下須
臾卽雨祕丞朱臨記其事元豐三年敕封顯利侯
烏將軍廟在烏墩鎮一名烏戍將軍唐烏重胤之族子
史失其名李錡反將軍與之戰死葬於鎮之普靜寺遂

廟食於此前有大池方十餘畝多龍人不敢捕見舊編
而續圖
經乃云烏氏自秦著名今以名鎮則將軍血食於此久
矣第年代縣遠圖志缺逸不可攷按唐史烏重胤河東
將軍承玘於憲宗時擢河陽節度使又憲宗卽位李錡
反令管內鎮將殺常蘇湖等五州刺史辛祕殺鎮將進
討辛祕立功事有石刻在
軍資庫及將吏姓名當攷

歸安縣

按本縣圖經城內外祠廟七所在城有蘇將軍西楚王
郭尙書通靈王顏魯公六所見郡志又有阜俗安闔王
及城外有功善王不知創建之由

東嶽行祠三一在射村一在東林一在璉市舊編有言
城王廟在
思谿俗傳爲言偃史記言偃吳人九域志平江有言偃
宅但以偃爲言城語殊鄙俚有東林土地廟記係是唐
人所作及橫洋土地廟文編修沈瀛所撰內云唐裴節
使求立寨以屯師旅故謂之射村語不知其何所考稽

一在長興縣西門外五峰山紹興十年見舊編

吳文皇帝廟及東嶽行祠三今惟射村璉市二嶽祠在

餘三處皆廢今復以舊志之不載者附錄於編

東林

土地廟在歸安縣舊志不載其詳按廟碑神姓許陳辛

之立已近于載則神之廟食遠矣舊基在江北有靈烏

銜鼓於山之南廟遂遷焉建炎四年金人渡江所至屠

戮游騎距廟十八里居人震恐祈禱於神賊無故自遜

會有傳者云賊見旗幟互數里謂有大軍故云人以神

威靈啓卻之紹興初侍郎李宜

白於朝封靈應侯尤仍其舊

石冢廣陵侯廟舊志所無據廟中碑文載之按宋禮部

翁記神姓陸名圭世為昭慶都人生於宋熙寧間幼時

勇猛神異以祖澤補右爵兩調為潤州真州兵馬都監

宣和中大歎發粟振飢存活百萬計適方臘弄兵東南

大震軍帥調公駐浙江進嚴瀨與賊戰數合賊敗績而

遁師還錢塘以卒遂為潮神紹興間海濤衝激江岸民

不遑安神役陰兵治之潮勢遂平嘉定間夏飛蝗蔽天

神見雲端驅之蝗不為害薄祐間錢塘江復大決有司

隨築隨圯神與三女揚旂空中浮石江面以顯其天隄

賴以成浙西帥臣徐卓實董斯役以其事聞於朝乃賜

額曰協順封其爵曰廣陵封三女為夫人立廟是邦地

曰石冢生英靈歿昭不可掩環千里之地家祝而鄉祀

奚啻子若孫之與祖禰所以益覆斯民歷千載彌一日

炳乎不可誣也朝廷頒爵命案廟

吳興志吳文皇帝廟在史涇即太子和別廟也

長興縣

吳夫槩王廟在東南一里吳興記云吳王闔閭使其弟

陽圖經作吳夫槩築城於此又一所在洛

漢錢卿廟在西北四里舊圖經云彭祖四十六代孫錢

卿名朔字幼子建武中為黃門侍郎代郡太守卒有靈

永平七年立廟於柯里邨置吏十人供其灑掃唐貞觀

元年重修

陳聖子廟在縣東九里舊圖經云陳武帝微時行息一
楓木下忽見一人云子當富有天下及武帝即位不知
其人所在乃於楓木邊立廟享之名曰聖之子其廟唐
末猶存

堯氏廟在堯氏山下皮日休茶詩注云有堯氏廟及羿
后廟在顧渚山口

謝太傅廟在縣南三鴟岡廟前即其墓有治平四年知
縣事吳濤修廟碑

斫射神廟在顧渚唐張文規廟記云斫射神圖籍所不
載會昌二年予入山修貢先遣押衙祭以酒脯及到山

茶芽若抽泉水若傾因建祠宇繫之祝祠貢茶院面虎
頭巖後曰顧渚右斫射左懸曰

漁陂王廟在縣西南包山舊經云吳夫槩養魚於此故
號漁陂王廟

五酉季王廟在合谿鎮賢良祝鑑為記以為五酉有吳
之譌季王季札也

防風氏廟在武康邑境有二其一在縣東二里地名清
穆

穆一在封禺二山之閒風渚湖上統記云廟在封禺二
山閒徵異記云晉元

康初中夜見有人坐武康縣樓上身長數丈垂膝至地
縣令會稽賀循知之曰此地本防風氏之國其防風氏
之神乎遂立廟於縣之東錢氏
封為靈德王號靈德廟有石刻存

淵德廟在響應山下碧玉潭側潭水齋激神龍居之唐元和八年縣令劉訥禱雨有驗始載祀典本朝元符元年邑人大旱縣令毛滂馳禱未出山而雨自是有請必應刺史蔣之幹遣烏程簿禱雪即如所請以其事聞敕賜今額建中靖國元年邑人相與立祠宇毛滂有記刻石在廟乾道三年知縣張端友重建

蔣靈帝廟在縣前谿南漢末蔣子文之神也吳立廟於

鍾山不詳此邑創廟之自統記云蔣帝廟神姓蔣字子文廣陵人漢末為秣陵尉孫

權時有人畫行於鍾山遇子文朱衣白馬謂曰為我報吳王為我立廟於此吳王聞之為立廟於鍾山南封為

蔣侯因改鍾山為蔣山晉蘇峻之亂晉師所之封為王齊東昏侯封為帝

銅官趙監廟在縣西北十五里銅官山吳興記云昔漢

末吳王濞鑿山采銅監姓趙遇山崩壓死記以為神因

為立廟水旱必禱公私皆有憑驗後唐同光中敕封通

靈王至清泰二年封福善保仁王州東南亦有廟宇

梓華廟在武康縣黃隴山統記載宣驗記云廟本在錢塘為錢塘令盛凝所焚遂移

祠於沈尚書廟在縣南一里尚書沈伯儀也統記云沈伯儀武康人有儒學

解褐授太子文學國子祭酒樊將軍廟在縣南上百步地號樊宅漢舞陽侯樊噲是

也餘英志云樊噲少失父從母嫁沛中遂為沛人今其地有古井見物怪人不敢汲

陳許二侯廟在縣東北隅吳越錢氏時建祀典失其名

舊編云二王廟故老相傳為陳許二王廟云

嶽帝廟在縣西北隅崇福里元符三年建

靈濟廟在縣治東北清風里淳熙十二年建

九沈廟在沈壁山號九沈公舊編云沈氏初徙居山下兄弟九人山有峰頂各立

旌忠廟在楊村乾道初樞密楊倓為父請於朝賜今額

郭先生祠堂在武康縣北十五里郭林村即晉郭文也

文河內軼人晉中原之亂避地江南步擔入吳興餘杭

西有招賢山皆文遊息之地餘杭即武康舊境

貞曜先生祠堂在縣西懷安門外一里地名孟宅保即

唐詩人孟郊也地蓋其舊居郊卒門人張籍諡曰貞曜先生

德清縣

孔侯廟在城山之陽舊圖經以為孔愉從子嚴為吳興太守立廟於此今者市保廟乃廟食之處孔侯廟乃墓前祠堂後因為廟廟後有大家甄鬢半露上有古木數株堅如鐵石千歲之物故老相傳愉葬後龜銜窠木種於此至今號龜銜樹

沈麟士廟在吳羌山之陰面大谿墓在廟後

蘭相如廟在縣東二十五里係金鵝鄉界見舊編

孫王廟在縣東南四十五里孫皓父孫和之祠也見舊編

安吉縣

朱明府廟明府墳在其後因廟食焉神名紀吳揚州別

駕偏將軍

施明侯廟在梅谿鎮神為晉尚書左丞相征西大將軍施彬以征討有功詔封中涓侯彬父先為青州牧封安吉侯至是彬上表請縣之住宅南空地為食邑其後遂廟食唐大中三年重修七年二十四代孫公贊作記石刻見存

仁濟廟在縣西北三里俗呼為落石大王即唐李靖也靖擒輔公祐有功於此邑人祀之崇寧三年賜仁濟廟額後封惠武侯進封忠惠景武公又進封輔世靈佑忠烈王供有誥詞碑記在廟

靈濟廟在縣西北常樂寺東已廢吳興志紹興五年建

天目祠龍王廟在縣西南金石鄉廟有龍井遇旱祈禱甚靈響又有古杉侵雲上已枯槁枝葉鬱然父老相傳僅百餘年

白蟻神廟唐嵩岳天師吳均煉丹於吳山有白蟻竊而吞之丹發躁甚走至黃村自沈於水而死其後有靈頗狂怪故不錄

寺院

州治

鴻禧寺在子城西北統記云一百二十步梁大同二年侍中蕭翼捨宅建舊名寶勝寺唐會昌中廢咸通十二年僧法珍請為崇福寺龍紀元年改寶勝寺

統記作寶聖 晉

天福二年錢氏改廣慧崇益寺

統記作建隆元年吳興郡王錢僊奏乞改額為

廣慧崇益寺

本朝大中祥符二年改今名

統記云景德二年

飛英寺唐咸通五年忠顛禪師募眾建刺史高湜表請

為資聖寺中和五年改為上乘寺

舊圖經云在白鶴

鄉咸通十三年建為資聖禪寺中和五年改上乘寺寺

前有石甃洗馬池寺內有舍利石塔白蓮池二所唐刺

史高湜劉植杜儒林有詞吳興郡王錢僊詩云兩岸檉

花紅步障一行山色綠屏風景物可想本朝景德三年

改今額續圖經云改上乘寺當開寶五年改今名當祥

符元年舍利石塔院在寺西有上乘寺石塔舍利院

本浮圖碑云僧云皎咸通中飛錫長安僧伽授以舍利

七粒及阿育王飼虎面像遂歸建塔始中和四年成於

乾寧元年凡三十七層高六十五丈開寶中有神光見

於絕頂遂復增建木塔於外紹興庚午歲雷震成燼知

州事常同因州人之請復立是塔舍利無恙今又建木

塔云

廣化寺在子城西統記云二百步即吳興郡王錢僊第

僊歿後捨為寺號正法明舊編云當開寶四年本朝

景德三年改今額西廊有子院號寶藏教院院之經軸

皆題曰正法明寺殿後有鐵塔九層乃恭義王祠即

僊也

大寧寺在儀鳳橋南本福田院唐開元中建州舊有大

寧寺在北正尾今報恩光孝寺也崇寧二年詔諸州置

崇寧萬壽寺郡以大寧寺應詔遂移寺額與所居尼于

福田院寧化寺在府東北二里舊傳古防風氏宅會昌

元年刺史張文規置今廢統記云今人往往於寺夜見巨鬼坐股垂足於地寺有杉

松院院中有古塔及鐵文殊像楚帝寺在東北一里古項王廟也梁太守元仲景夢偉

人羽葆甚盛請居宅為寺遂捨宅建昭明太子撰碑以

陳封項王為楚帝因呼楚帝寺今廢見統記

德本寺在府北前石橋後石橋之間今不存郡學文宣王廟碑陰

載郡人徐導居德本寺之後石橋敘事頗詳報恩光孝禪寺在子城北陳永定三年章皇后捨宅建

見舊圖經名龍興寺神龍二年改孝義寺有徐陵撰碑十代孫嶠之書中

宗時復舊名會昌五年廢次年再置長興二年錢氏改

為大寧寺據統記本尼居也其地曰章后坊有唐經幢十數皆刻尼名

本朝崇寧二年改為崇寧萬壽寺紹興七年以崇奉徽

宗香火賜報恩廣孝十二年改今名統記云文殊堂額顏魯公書之又

謝安石碑裴清撰今不存開元寺在子城西統記云一百二十步天監中尚書右僕射徐勉

以居宅有慶雲之瑞捨為尼寺號八政武德元年改居

僧開元二十六年改今名殿內有明皇眞容武宗初例

廢會昌五年奉敕再置見統記辭逢有寄湖州開元寺

座主詩曰傍城花柳覆精廬氣象可見寺東廊有廣福

院奉觀音像西廊有智者院居教徒奉普賢像寺屢經回祿之後今惟存廊廡觀音廣福院因別立門

興國寺在府東南一里南齊給事中徐係祖捨宅為寺

今廢統記曰係祖初為青州刺史造石佛像二軀及還

偉然在側舊編載舊圖經云四水至州南吳國寺前合

為雲谿至江子匯左右唐初寺廢移額於千金今名無

寺為天聖禪院在子城北唐中和二年郡人吳言捨宅建刺

史王鸞表請為景清禪院本朝天聖八年罷改今額宣

和中改院為神霄玉清萬壽宮建炎元年罷宮名復為

寺殿有鐘唐咸通中鑄刻景清禪院經一藏唐天祐中

寫本皆題保聖寺

景德禪院俗稱小景德院在子城南舊經云在歸安縣

南茗谿坊錢氏時楊順捨宅建得額為書水傳經院

續圖經云建時當乾化四年得額當貞明三年本朝大

中祥符元年改今額舊圖經云乾德四年後有彌勒

教院舊圖經云安門內餘蹟云五里梁貞明中

能仁院在駱駝橋東錢氏時刺史錢照晏建舊名法照

本朝乾道元年後大中祥符元年改承天院政和七年

改今額本朝開寶七年後大中祥符二年改今額

報本禪院在飛英寺西錢氏時州人蔡延禮建舊名淨

土吉祥院本朝開寶七年後大中祥符二年改今額

廣福觀音禪院在子城西乾興初有僧鑿真鑄鐵觀音

像置開元寺東南隅後經火災就故址建殿宇廊廡等
五十餘間號鐵觀音院熙寧元年賜壽聖觀音禪院紹
興三十二年改今額
廣福施水禪院在子城西本朝至和元年州人請於鴻
禧寺前建屋施水後增至六十餘間熙寧元年改今額
舊編作紹興三十二年恐誤有故相惇祠章惇祠
景德教院在定安門內統記云在縣南三里梁貞明中
吳越武肅王第三子湖州刺史錢傳璟建名保安後又
重修宣德軍節度使錢信撰記當本朝開寶八年太平
興國三年敕立戒壇景德二年改今名賜金書額嘉祐
中災治平三年僧懷秀重建紹興八年寺僧請為教寺

今兩廊為睦宗院舊圖經云在龍華里唐天祐十七
年建天祐十九年給額為保安寺

空相教院在州城西北隅舊名彌陀懺院不詳元置事
因治平二年改今額大觀二年有僧請為十方教院歲
有期懺會

惠日教院在子城西北錢氏時楊續圖經作湯庭禮捨宅建

初號報國看經院後改今名

證通教院在子城東南花樓橋南錢氏時朱可賓捨宅
建當石晉開運元年舊名保安院舊圖經云東保安院
治平二年改今額紹興四年為教院

告成教院在月河錢氏時銀青光祿大夫錢德安建舊

名正真院當周顯德六年本朝大中祥符二年改今額
紹興十二年為教院

慈感教院在定安門內橫塘嘉祐中知州事盛申甫始

建於迎禧門外舊編作元年續圖經作六年按太守題
名盛申甫於二年到任五年罷皆非也

俾僧行主楚露毗號利濟院元豐初僧法源增廣之待

制章衡為記大觀元年改今額建炎三年郡人慮院在

城外或屯寇盜徒置今處寺有珠羅漢漁人得之蚌中
偏袒右肩矯首左顧如行脚

相衣紋畢具郡人劉
燾作傳石刻在寺

郡安院在子城東北唐光啟中續圖經作景福刺史李

師悅因郡人捨地建乾寧中賜額今居尼

普寧院在子城西唐光啟元年刺史李師悅建號護國

保安院錢氏改普提保安院後改今額居尼

烏程縣

顯化禪寺在縣南二里峴山崇寧四年以澄悟禪師塔

祈求有驗始賜今額其塔號定應

圓證寺在縣西北一十五里卞山唐大歷中有僧惠政

坐禪四十年元和五年故宰相于頔表上其事賜名聖

壽寺會昌三年刺史張文規積石貯泉曰浮空潭又以

水似伊洛改名思洛又作泣玉亭本朝治平二年改賜

今額祥符圖經已作圓證寺未詳

惠覺寺在縣西北一十五里法華山梁普通二年建號

法華寺寺有偃松九曲池流杯亭望湖亭唐刺史常明

言一三
敷李峒盧幼平崔元亮張文規有詩本朝治平二年改
賜今額舊圖經作法華寺

普靜寺在縣東南九十里烏鎮梁天監中司空沈約捨
父墓地建光福寺約先葬父於此今寺殿基卽其處約
歲時來展墓武帝遣昭明太子迎之約不自安乃遷葬
以地爲寺本朝大中祥符間改今額
密印寺在普靜寺側梁昭明太子之館也沈約展墓昭
明館此約捨墓地爲寺昭明因以此館別爲一寺今約
與昭明爲二寺伽藍神舊有碑刻
大覺寺在縣東十八里西余山舊名寧化本朝治平二
年改今額

妙果寺在烏鎮元祐中建尼寺也

喜宥院在縣東四十里舊館唐光啟中建見續圖經舊
編云蕭梁時建號聖嘉院錢氏改今名
圓明院在縣東北四十五里上林錢氏同光中建名看
經院後改廣濟院
布金院在縣東北七十里湖上喬漉廣順十年錢氏建
名觀音院
法忍院在縣東北四十五里輒邨錢氏建號善慶院
護聖萬壽禪院在縣南十二里道場山唐中和間有如
訥禪師出巡禮師曰好去逢道卽止訥經此山問何名
父老曰古傳號道場因欲留止父老曰此山多虎訥策

杖直上坐盤石虎伏其側經三宿無所傷因結庵使居之今號其處曰伏虎巖後起廊廡佛殿塑千羅漢於中吳越王與額為吳興正真禪院續改為寺郡守錢信王洞皆有遊道場山詩文多不載本朝改妙覺寺祥符圖經尚曰正真禪院元豐三年知州事陳侗奏改賜今額寺旁有笑月亭愛月亭

移惠崇報禪院在湖南十四里何山元嘉十四年張劭正道祚共建號禪幽寺有式道人碑碣見統記舊圖經作何山院會昌中廢碑亦不存本朝天聖中改宣化禪院乾道初開府趙伯圭請為秀安僖王功德院賜今額

觀音禪院惠覺寺子院也蕭梁時尼總持道場唐大歷

中法華寺僧大光和尙於其地建觀音懺院

見舊編續圖經蕭梁

作朱梁大歷中作開寶四年惠覺寺僧續圖經誤

錢氏時改今額

當太平興國二年唐丞相

李仲乾賓中神異碑

寶積禪院在縣西南二十七里杼山舊在金斗山梁大同七年初建號妙喜寺以東方有妙喜佛國故名唐貞觀六年始移額於此寺多古迹顏真卿杼山妙喜寺碑載甚詳顏公與李萼陸羽等於此撰韻海鏡源刺史盧幼平及李萼張著陳古陸羽蔣至皆有詩文多不載有僧如畫祠詳見杼山下後改今名舊圖經統記竝作妙喜寺本朝治平二年改今額

護國仁王院在仁王山唐咸通中賜今額

護國羅漢院在縣東四十五里上陂唐光啟中僧道聰

建續圖經云景德三年繁昌知縣邾良撰修佛殿記云

梁乾符初建據蕭梁朱梁並無此號唐僖宗嘗改號

乾符去光本朝景德三年賜今額上明院在縣西南五十四里官澤宋元嘉中青州刺史

錢響冀州刺史錢產捨宅建寺錢氏號為上院周顯

德中避諱改今額

寂照院在縣東北四十五里號驥邨唐光啟中建號靜

居院自後院十六所並本朝治平二年改賜今額

本覺院在縣東北三十里湖上五浦唐光化中建號興

福院

超果院在縣西南三十六里麻谷邨唐龍紀元年建號

龍紀院

淨眾院在縣南十八里下菰塘唐元和十四年建會昌

中廢天復三年有僧立庵以金蓋道場名上金院

寶林院在縣東六十八里湖上新浦廣順二年錢氏建

號永寧院

金文院在縣東北十三里外莊邨乾德五年錢氏建名

看經院

慈雲院在縣西四十九里姜邨錢氏建名龍安有龍湫

法印院在縣西南四十九里章宅乾德五年建名崇德

院

明心院在縣東五十四里東遷初號寶光興法院

興善院在縣東北二十七里湖上義高邨錢氏建號善

慶院

慈恩院在縣東南六十里馬要邨錢氏時建號興國院

多寶院在縣北二十里卞山元號西峰塔院乾化二年

錢氏建號西蠻院

以上十六所並本朝治平二年改賜今額

廣福禪院在縣東南九十里烏鎮本朝治平中建熙寧

中元年名壽聖隆興元年改賜今額

以太上皇后稱壽聖今故改

昭感院在縣北十八里湖上吳越錢氏文穆王領兵拒

南唐至此有異夢遂建院名瑞現

舊編云夢泗州大聖言泛海而來翌日得

之湖上遂建寺

本朝端拱中鄭建記有石刻大中祥符元年改

今名

見續圖經舊編云治平中

福田院在縣東十五里謝邨基本謝靈運故宅唐大中

年間建

續圖經舊編皆作戊戌歲按大中元年歲次丁卯正十三年已卯有戊辰戊寅甲戌無戊戌年

也當大順中改今額

嘉會院在烏鎮本朝紹興初建號壽聖下院後移本州

廢額於此

利濟院在縣西二十五里棲賢邨仙人頂本朝紹興初

僧明辨建漳熙中移安吉縣廢額為名

常照院在菁山建炎中僧梵隆建因請廢額為名

顯親隆報禪院在縣西一十里卞山本朝政和二年中

書侍郎林攄請置功德院賜額

承慶薦福禪院在縣西北十二里本朝建炎三年前宰

相徐處仁之子康於父墳請置功德院賜額
積善教忠禪院在縣西北十二里本朝建炎三年資政
殿學士葉夢得請置功德院賜額
崇因薦福禪院在縣西三十五里華嚴山舊名嘉會院
本朝紹興十三年尚書右僕射朱勝非乞於母秦國夫
人墳所置功德院賜今額
崇報勝因禪院在縣西二十五里後董村本朝紹興初
丞相沈該請置功德院賜額
旌忠崇先禪院在縣西南四十五里唐正觀中覺聞禪
師建號景山寺本朝隆興元年檢校少保張子益請置
功德院賜今額

報嚴彰孝禪院在縣東夾山

歸安縣
舊圖經載寺院三十四有法照院東保安院多慶院福
田院雪水傳經院景德寺本縣圖經載在城十一所光
孝慈感天聖報本能仁告成證通飛英景德郡安大寧
城外二十九所除在城內者附見郡志其在城外者如
獅子吼寺在縣南崇禮鄉射邨吳太元中有居人劉鉞
嘗與費長房觀空中奇獸金毛五色哮吼之聲三振遂
奏捨宅爲寺因以爲名唐會昌中廢中和二年重建本
朝天聖壬申歲僧有感等起三門及軒廡景祐乙亥畢

工有記在寺慶元二年重建編修沈瀛述記

祇園寺在縣西南東林齊永明三年建號大乘寺本朝

治平二年寺東廊有呂仙像在薛荔中有塔在山頂見圖

經舊編及沈東老事

鹿苑寺在射邨梁大同元年處士夏份捨宅建寺後廢

唐大歷三年沙門明哲募緣請重建詔賜名永興寺元

和五年鄉貢進士吳行周撰記有鹿苑神闢龍宮化來

之言其莊嚴可知又云郡守工部尚書顏公篆額即顏

真卿也本朝治平二年改今額隆興元年僧元堪募緣

重修佛像侍郎葛立方宗丞沈詢進士吳椿有詩并記

刻石遺幸甄刻古嶽東來山

精舍禪院在施渚陳永定中青州刺史管聚捨宅為院

見舊經統記載管聚捨宅後再到游覽題詩有昔捨家

山為梵宇今來此寺覽遺蹤之句又白樂天詩寄題曰

慣遊山水住南州行盡天台及虎丘惟有上強精舍寺

最堪游處未曾游又唐中書舍人李百藥御史大夫高

知周金部郎中錢起鄆州刺史唐大中元年改為禪院院

史郎士元各有題詩在寺中有井廣半畝水甚清泚中有靈鰻長數尺背有金線

俗呼為鰻菩薩井殊靈異水旱如禱即見井面

無為寺在縣東南福增鄉千金里晉王衍捨宅建見舊

及舊經云見興國寺碑竊詳王衍在東晉時已死唐時

於夷虜何從有宅在江南不知寺碑之言何所據唐人馮倫沈演復建移郡城興國寺廢額榜之會昌中

廢咸通三年又建鄉貢進士張蟾撰記記略云華開寶

塔興而門戶開萬楹疊而廊廡對寺本朝治平二年改

有名僧五千人其雄偉亦可見也

今額

黃巖禪寺在縣西南至孝鄉唐邨唐中和三年建錢氏

時號長慶院本朝治平二年改今額見舊編據舊圖經

初置歲月後唐清泰元年重建黃巖

云唐中和三年建是一院而重載也

開化院在縣東南孝仁鄉侯邨晉永嘉元年孫德宗捨

宅建唐會昌五年廢錢氏重建號菩提寺當周廣順三

年本朝治平二年改今額

鳳山院在縣西南廣德鄉宋元嘉四年遂昌縣令潘琮

捨宅建錢氏改今額當本朝建隆元年

棲真禪院在縣西南延邨唐咸通六年姚恩捨宅建號

孝義院本朝治平二年改今額

覺悟教院在松亭鄉思谿邨唐咸通十四年金州刺史

劉某捨宅建號覺觀院會昌中廢本朝咸平以來始建

大殿法堂諸天閣改今額據舊編云會昌中廢咸通中

按舊經云唐咸通十四年劉使君捨宅建

作圖經時已號覺悟非治平二年改明矣

淨慈院在太元鄉含山唐乾符三年沈從昭捨地建號

含山院本朝治平二年改今額山頂有塔

瑤山院在璵市唐初郡有通瑤寺廢會昌三年請額建

此咸通二年改今額

禪智院在縣東南三十里竹墩唐咸通十五年沈思立

建號大乘禪院錢氏時沈思蘊重修當後唐同光四年

又改名廣福羅漢院當周顯德六年也本朝治平二年

改今額宣妙院在縣東九十里瑯琊鄉古博邨唐乾符五年進

士蔣子友捨宅建號興福院本朝治平改今額據舊經

院無宣妙院舊編有宣妙院無興福院鄉

分年代俱同故知宣妙即舊名興福也

尊勝院在縣西南九十里至孝鄉銅盤邨不詳初置歲

月錢氏重建號寶善院當周顯德五年本朝治平二年

改今名宣妙院在縣西南九十里至孝鄉莫邨錢氏建當晉天

妙嚴院在縣西南九十里至孝鄉莫邨錢氏建當晉天

福八年宣妙院在縣西南九十里至孝鄉莫邨錢氏建當晉天

無相院在縣西南一百里至孝鄉莫干山錢氏時建號

莫干院本朝治平二年改今額宣妙院在縣西南九十里至孝鄉莫邨錢氏建當晉天

演教院在縣東南三十里荻岡錢氏建號興福院先當

周顯德二年本朝建隆元年重建治平二年改今額

上乘院在縣東四十里增鄉靈山邨未詳初置年代錢

氏重建號清靈院當晉天福七年治平二年改今額

悟空院在縣東南二十里松亭鄉湖跌邨不詳初置年

代錢氏重建號正福院當唐乾祐二年本朝治平二年

改今額宣妙院在縣西南九十里至孝鄉莫邨錢氏建當晉天

淨業院在縣東南二十里松亭鄉沈灣本名沈灣禪院

不詳初建年代錢氏時重建號普光院當周顯德二年

也本朝治平二年改今額宣妙院在縣西南九十里至孝鄉莫邨錢氏建當晉天

青蓮院在縣東南二十五里松亭鄉石豕唐大順三年

建景福三年賜額名報恩

見舊經據舊編云乾寧元年賜名

本朝治平

二年改今額紹興二十六年僧齊岳鼎新重建劉一止

為記

興慶院在縣東南九十里屠邨錢氏建

舊編舊經俱不載年月

金地院在縣東南九十里清風邨初號清風院不詳始

置年代本朝治平二年改今額

廣福禪院在縣西南九十里中山頂上不詳建置歲月

按舊經有資福庵在縣南至孝鄉北齊乾明二年重建而為此院舊編及本縣圖經卻有此資福庵至孝鄉在縣西南九十里即此院也

顯親教院在縣東南六十里熟梅邨紹興八年即唐廢

寺基建賜額

圓覺禪院在思谿宣和中土人密州觀察使王永從與弟崇信軍承宣使永錫創建賜額為慈愛和尚道場寺有塔十一層及有藏經五千四百八十卷印板作印經坊

妙因院在菁山嘉泰中武經郎張思恭移廢額以待雲

遊

崇勝院在歸安縣西南孝仁鄉施渚鎮晉永嘉元年孫

德宗捨宅建會昌五年廢錢氏重建號幽巖院當周廣

順三年本朝治平二年改今額

長興縣

大雄寺在縣西北一里陳文帝天嘉元年為皇考始興

昭烈王太妃所立也本號報德寺周弘製寺碑唐會昌
二年縣令俞鳧奉敕重建治平二年改今額字石曼卿
書寺西偏水陸寺院有疏瀹池仰止亭東有秋音亭寸
碧軒巖壑齋慧隱道虬嘗住持見郡志僧道下
空王寺在縣西北天居邨錢氏時建名天居寺本朝治
平二年改今額

寶相寺在縣西曲水邨陳大建五年建名曲水寺本朝
治平二年改今額慧豪慧暢住寺見郡志高僧下

大雲寺在縣西南四十里方山齊永明元年置號方山
寺本朝熙寧中有僧析竹絲織為佛至今存號竹佛後改

今名

習善寺在縣西南百四十里齊永明元年置本朝祥符
中增修有釋靈采記治平二年改為證心院後復今名
舊編以為治平後又改今名按統記作於淳化時已載集善寺對娘王蘇對娘王蘇
普安寺在縣西十六里陳永定二年蔡州刺史柏顯度
所建名陳興唐天寶四年改為唐興錢氏又改名長興
本朝治平二年改今額

曉覺寺在縣西南百十九里洞口齊永明元年建號齊
明唐天寶四年改今額十五里水口本朝大觀五年
離相院在長興縣西南六十里佛川宋元嘉元年建吳
均入東記云是年有石佛自川中湧出因建寺以佛川
名之唐天寶中重建本朝治平二年改今額

廣福禪院在縣西三十里合谿宋元徽五年建號飛雲

寺舊圖經云寺側有風穴故雲霧不得藹鬱於其間故名本朝治平二年改今額

崇觀閒僧元禮作飛雲堂劉燾有詩刻

上吉祥院在縣西北三十五里水口額本陳大建五年

置在武康唐貞元十七年刺史李詞表移置貢茶院會

昌中廢大中八年刺史鄭顥奉敕重建

廣惠院在縣東九里下箬陳高祖故宅也光大元年詔

立為寺號為天居慧篆住持精於學業唐初經輔公祐

焚毀珠寶悉散失惟餘尚書左僕射王繕異碑碣後復

建至僖宗時名崇光院本朝治平二年改今額

制勝院在縣西九里罨畫谿舊號清異寺梁大同元年

江州刺史錢道居捨宅為寺唐會昌中廢錢氏重建天

聖景祐閒增修院後有谿光亭以上寺院十所舊圖經

畫羅漢與慈氏院畫皆管洞筆

廣福院在大雄寺東本寺之子院也號報德常住院本

朝熙寧初賜名壽聖院僧淨瑞主之為禪席後改教院

有塔有經藏隆興初更今名

下吉祥院在縣北上步邨舊名崇興院不知始建年月

本朝治平二年改今額

慈光禪院在縣西南果尚邨唐景福二年建號果尚本

朝治平二年改今額

清涼禪院在縣東南和平鎮錢氏建號化城庵本朝治

平二年改今額
普濟院在縣南湖南山錢氏建號保壽寺本朝治平二
年改今額
孝感禪院在縣西靈山本朝元豐中丞相章惇為母請
建功德院賜額
承慶報慈禪院在縣西北赭石山本朝建炎中樞密
劉珪請建功德院賜額
解空院在縣南四十三里吳山錢氏建名保安本朝治
平二年改今額
國清院在縣西南洛陽唐天順二年建本朝治平二年
改今額

寶隱院在縣西南魚陂唐天寶中建

事見僧如畫作明禪師塔銘所

謂魚陂道場也錢氏改名空隱本朝治平二年改今額

及賜二銅鐘院有明心亭

梵慧院在縣西南四安鎮唐咸通中建集雲寺本朝治

平二年改今額舊編云建炎中金虜遊騎縱火至藏院

經輪自轉有聲如雷火亦遂滅賊遂散去有江東汪用

汝記

饒益院在縣西北應山錢氏建名應山寺本朝治平二

年改今額

定香院在縣東北彭城沿湖舊號國安錢氏改名護國

本朝治平二年改今額

梵業院在縣東北高塘沿湖錢氏建號護明本朝治平二年改今額

定慧院在縣北無胥邨沿湖錢氏建號報國本朝治平二年改今額

慈氏院在縣東南和平鎮晉日南太守莫封宋元嘉元年捨宅為寺號新安

唐僧如畫有碑銘本朝治平二年改今額

三學院在縣西南午山錢氏建號看經院本朝治平二年改今額

正覺院在縣西南九龍山錢氏建號九龍本朝治平二年改今額

化城院在縣西南曉覺邨齊永明元年建號齊明唐天

寶中改為曉覺本朝治平二年改今額

龍華院在縣西南呂山唐咸通十五年建號普廣本朝

治平二年改今額

辨利院在縣東南卞山白鶴嶺紹興三十二年賜額

武康縣

大慈寺在武康縣東五十步

統記云百步梁普通六年八月

建名寶相

統記作保相唐漢陽王張柬之為碑續編及餘英志不載碑事後唐廣順元

年邑人唐君師捨宅重建本朝乾德五年僧道興重修

治平二年改今額寺有神鐘記

見事物雜志

證道寺在縣西二百步南齊建元元年置

餘英志云以

沈密舊名齊昌唐天寶四年改名永安建隆三年縣令

居建

羅文圭重建治平二年改賜今額

舊編云門對大谿南望羣山最清勝餘英

志載毛澤民游證道寺詩有更看除驂一夜春之句統記又云沈密為其寺碑

靜林寺在縣西三里孟宅保西梁大同四年十月置唐

咸通六年齊偁禪師更造

舊編云九年改今額餘英志云寺瞰谿流相為勝絕寺有

妙峰亭妙行堂壺中軒載毛澤民及葛文康詩詞葛公詩有云妙行堂前聳碧鮮壺中軒外疊磧欂軒外疊石

為山也又云吳興記稱寺有唐張柬之碑今碑僅存字不可辨

禪靜寺在縣西北七里招寶賢山唐顯德中建名招賢

本朝治平二年改今額

寺有集翠堂留芳軒玉醴泉餘英志載毛澤民集翠堂詩禪靜

庵詩葛文康留題

皇覺寺在縣東北十五里鳳凰山後漢述善侯沈戎故

居地名沈碧沈氏世居之宋元嘉三年戎之八世孫司

空慶之吏部尚書曇慶五兵尚書懷寧光祿大夫孟巖

等請以始祖宅為寺文帝以述善侯有功於人人懷其

德錫名懷德唐天復九年重建改名永德本朝治平二

年改賜今額

餘英志云始開山時術者以此山有鳳翹形鑿之必異既而舉錫若有鳳凰飛去

翠峰寺在縣東北三十里小山之麓統記作宋元嘉元

年建僧法瑤嘗住持

事見郡志高僧下

齊永明三年改為尼寺

本朝大中祥符元年改今額復為僧舍寺有塔七層餘英

志載毛澤民游翠峰寺詩及題塔院詩

廣福尼寺在縣東南大賽山慶元六年以廢額建

建靈寺在縣北一里

統記云晉義熙二年八月晉車騎將軍沈充捨宅為寺今廢

龍光寺

統記云縣東北三十里宋元嘉三年九月置其中即車騎將軍沈充別館今不存花藏尼寺餘

英志云在縣東二百步今廢

等慈尼寺

餘英志云在千秋橋西南今廢

千佛寺在縣東南十五里鳳凰山下梁大同二年建名

報德本朝治平二年改今額

琳師有千佛寺避暑詩

仁王院在縣東二十五里秀峰山本朝建隆元年錢氏建

名羅漢治平二年改今額

大安院在大賽山本朝開寶八年錢氏建

禪居院在縣東南三十一里金井山本朝乾德三年錢

氏建治平二年改今額

圓覺院在縣南十五里龍口山梁普通三年建名智業

本朝大中祥符三年改今額

舊編云唐大中二年改

報慈資福禪院在縣東北三十五里三班邨紹興十三

年參政范純禮請為功德院

見舊編餘英志云在縣西南十五里金華山

思嚴孝親禪院在縣南二十里大賽山乾道九年節使

王槩建

舊編云王晉錫請為功德院

淨因院在縣北百五十步唐開元中建名開元院

舊編云大中三年本朝治平二年改今額有藏經五千餘卷嘉祐元

年造

護國禪院在縣西北二十五里石頭山唐咸通五年建

景趣幽絕有偈禪師坐禪石及虎跑泉清澈無底

舊編云偈

師以結庵有一虎常隨之師以乏水為憂虎跑地得泉因以為名餘英志載毛澤民游虎跑泉石頭山詩葛文康留宿石頭詩云住山偈老富心機云何須兼住兩招提蓋偈師建兩伽藍冬居石頭夏居靜林

隆教院在縣西北十八里銅山之麓石晉天福三年建

周顯德中名資福本朝治平二年改今額建中靖國初

僧維琳居之餘英志琳號無畏大士受知蘇公軾與毛滂酬唱甚多院內有無畏

庵內苑橋外有清奏亭古月泉擎天松後有牛頭峰緩

步隄毛公堂皆師所勅

定空院在縣東北七里梁普通六年建名永昌治平五

年改今額寺前後皆梅毛東堂有定空寺觀梅樂府寺後有白雲亭掌琳師有詩院在煙霞鳴

福慶院在縣南十八里上陌步本朝乾德四年錢氏建

名鎮安大中祥符元年改今額院有翠屏軒秀巖亭毛東堂有詩刻石

體寂院在縣西南二十里中山唐咸通三年建中和元

年賜今額見舊編而餘英志乃云失建置年月西南有虎鹿豕舊編載佛日禪師居

此院道行高潔常有一虎一鹿隨之一日虎獨歸而鹿不至師意虎害鹿薄責之虎屏氣徐出須臾負一死鹿至前虎亦斃師并瘞之號虎鹿豕餘英志同

定光院在縣響應山下本朝建隆三年錢氏建名寶安

治平二年改今額古蹟並見響應山下

章法院在縣西南二十六里前邨山本朝治平元年建

名延壽二年改今額十里翠嶺嶺巔六半參迦藏殿

達觀院在縣東北三十六里獨蒼山梁大同中建號龍

巖本朝治平二年改今額八里嶺嶺巔與二十四字

永光院在縣西北三十五里天泉山建隆二年錢氏建

寶福院在縣十五里上陌步乾興元年建上平顯勝

護戒禪院在縣東二十五里龍山下本朝太平興國中

錢氏建號福慶治平二年改今額

崇福密巖禪院在縣北二里烏回山紹興七年賜額奉

懿節皇后祠西北三十五里天泉山紹興二十四年

資福妙靜禪院在縣南十八里雞鳴峰紹興二十四年

衛茂實請為功德院十六里崇寧山大岡中

崇孝院在縣東北三十里翠峰淳熙六年參政施鉅建

報恩資福禪院在縣西南二十五里大安嶺淳熙八年

少保鄧從義建古觀山

雲岫禪院在縣東七里石井山淳熙八年建古觀山

右寺院三十六而廢者四據統記所載懷德永安寶

相小山靜林建靈龍光止七所而建靈龍光已廢存

者五而已其他皆未置雖置而名未顯今據諸書所

載存者二十有二而九所建於紹興以來入為大官所

請功德院豈非郡為行都輔郡而本邑山川特秀土

大夫多擇葬地於此而然耶 十佛院 云

德清縣

大中乾元寺在縣南十里天寶橋南吳羌山之陰梁大

同二年戴可先捨宅為寺大殿棟宇巍然釋迦寶殿四

字梁武帝書大中乾元之寺六字唐柳公權書寺舊有

塔本朝乾道中沈作式重建初成鐙火闔邑人呼之為

腰金塔 不數歲鄭聞沈復李彥穎

壽聖寺在縣東三十六里韶邨寺記云基四百畝谿水

環繞梁天監五年青州節度使沈子真居宅一夕鐘磬
自鳴堂前井中放出毫光俄有龍騰空而去子真遂捨
爲寺武帝賜今名統記云會昌六年置先建大殿宏壯高峻皆香
栴木殿有三世佛佛碑石曼卿所書在彌勒像前吳越
王病目聞此井神異取水洗之卽愈因賜旃檀香作井
欄唐太宗皇帝亦賜御書佛賦逍遙詠急就章四十餘
卷寶函鎮寺唐咸通中刺史高湜重修大殿其後弼陵
沈氏別立禪院於寺後號順慶本朝皇祐閒重建三門
兩廊記阿育禪院懷璋作奉化知縣沈時升立石紹興
十二年太上皇帝降御旨省劄許比慈感壽聖兩寺免
諸色科

覺海寺在縣東四十五里新市鎮唐時武康縣舊有興
福寺後廢元和十年鍾思染於鎮中得漢中大夫朱安
期墓地請於刺史薛戎移額建寺於此烏程令朱集捨
田宅金錢買彝昌相與力成之武宗時廢毀宣宗時彝
昌重建本朝治平二年改今名按三門佛殿唐時所立
記文建中靖國初太史章撰大唐興善之寺六字小碑
今藏墨妙亭有法鑿講師若愚塔銘殿柱有天書雷公
大印

大善寺在縣南二十七里唐樓邨梁大同二年水部員
外郎沈著捨宅爲寺號永明唐貞觀中改爲大名寺本
朝治平二年改賜今額

慧通教寺在縣東四十五里新市鎮熙寧元年建號法華院政和七年改今額

覺華寺在縣東北二十七里新塘梁天監中郡人沈悅捨宅為寺號華林本朝大中祥符元年改今額有一石經幢唐會昌初僧清警建處士胡季良贊

唐壽寺在縣北二十七里戈亭吳越時建號孝德寺本朝治平二年改今額

安國寺在縣北二十里下舍舊名安居禪院唐咸通中改延慶寺本朝治平二年改今額

慈相寺在縣北三里唐元和中建號石壁院本朝治平二年改今額院有泉出石罅狀如半月號靈泉

華藏寺

在吳羌山前乾道四年移武康廢額來此武康華藏舊寺吳越王錢俶所建號興慧治平二年改今額今寺中有錢王護戒牒尚存

海會禪院在學海寺西北隅國初邑人悔延昶建本興善寺羅漢子院大中祥符五年改今名

保慶院在縣西五里積谷山之陰唐朝乾元中邑人余邦開山賜號積谷禪院吳越時改大寧保慶禪院今為

民居東有望蠡亭正與蠡山相對

妙巖院在縣北十里大壯嶺東唐乾符二年號集雲院後改今額本朝紹興七年樞密沈與求乞為功德院有

妙峰堂詩榜甚多

保寧院在縣北十里大壯嶺本朝紹興五年初建宋皇

后宅乞為功德院賜今額

道林庵在縣東二十七里崇寧元年建常以本州天聖

院名之後罷神霄宮復舊院額遂以今名榜為庵

三德院在縣東四十里梅林南齊建武中邑人太常少

卿張迪捨宅為寺始號波羅蜜寺唐大中元年改波羅

護國院本朝治平二年改賜今額

有岑碩詩云齊朝立法滅不得僧徒還此居無碑傳古昔有蘭若曾廢會昌初佛樹老扶疏門外滌塵水寒光浸太虛院有彌陀閣大

悲閣甚雄壯

真教院在縣北二十七里相邨唐咸通六年建本朝建

隆三年為集福院治平二年改今額

延壽院在縣東北二十七里敢邨梁天監四年邑人沈

慶之捨宅為寺唐大中初賜今名

統記云在縣東十八里咸通十年置

明因院在縣東四十五里新市鎮吳越時顯德二年餘

杭令章靖捨宅創建號羅漢院記文龍街首座贊熙寧

元年改今額

齊政院在縣東北十五里忻邨唐咸通十二年建本

朝元符中靈芝元照撰記

永寧院在縣東北三十六里白彪邨齊永明二年丹陽太

守沈豫捨宅建唐咸通中復賜今額

永壽院在縣東四十五里後柳邨唐大中二年建咸通

中賜額

梵行院在縣東四十五里苦竹邨唐咸通二年建號永

恩院本朝治平二年改今額

瑞蓮院在縣東北四十五里櫟林邨周廣順二年邑人吳篆請於吳越國鄧王就古院基建號護國瑞蓮院

越山院在縣東五里本朝開寶中建因舊寺基未賜額以今名

宣梵尼院在縣東四十五里新市鎮唐咸通五年建號連雲院本朝治平二年賜今額

寧國尼院在縣西南赤土山本朝乾道四年開府鄭藻建請爲功德院

寶覺慈光禪院在城山之陰本朝熙寧中天台僧了因結廬其上洛僧道容繼之屋宇寔多遂請安吉妙香禪

院廢額名之紹興三十二年內知省徐伸乞爲功德院賜今名山頂有塔又有挂月環翠二亭

廣法教院在縣東南七十里海瀉村乾道元年移臨安府廢額建

寧國院在縣東北五里蘭山乾道二年移臨安府廢額於此

廣福院在縣南十二里上初鳴乾道元年移錢塘縣廢額建

眞寂院在縣東南三十六里南林乾道六年移錢塘縣廢額建今改爲淨化院

安吉縣

報恩光孝教寺在縣西北三里玉磬巖宋元嘉二十九年建號崑山寺本朝政和三年改爲天寧萬壽寺五年改爲十方教寺紹興中再改報恩光孝教院崇奉孝宗皇帝道場寺前舊有放生池縣令胡浚明重濬并記樂平寺在縣東北三十五里梅谿鎮宋元嘉元年信義太守施彬捨宅建唐會昌中廢後復舊

大明寺在縣南十五里霧山錢氏卽古寺基建名祇洹寺本朝治平二年改今額寺有錢氏元給奏憑稱持降宣命甲子年十一月某狀奏葛勝仲詩云空翠沾我襟溟濛認堂奧兼乃張公超五里方術妙化度寺在縣西南二十五里上市錢氏建號永樂寺本

朝治平二年改今額

廣福寺在縣東南二十里錢氏建名修道寺舊有修道寺在縣南四十三里梁大同四年三月置隋大德三年三月廢本朝治平二年改壽聖寺紹興三十二年改今額

上方法雲禪院在玉磬巖唐乾興三年建本報恩寺子院本朝天禧五年始賜院額寺後舊有半山亭歲久隳壞乾道六年縣令安鼎夢遊是亭尋訪得舊址重建題曰眞賞鼎自撰記
常樂禪院在縣西北半里錢氏時將軍吳頊捨宅爲寺號羅漢院本朝治平二年改今額有慶歷二年建康俞璋所撰羅漢院重修法堂記

百福院在縣西南三十里靈峰山梁開平元年建號靈峰院本朝治平二年改今額有熙寧元年知懷州孔叔瞻撰重修大殿記

淨行院在縣西南六十五里董嶺邨晉開運元年錢氏建號寶德禪院本朝治平二年改今額

妙香院在縣西南四十五里結竹邨本朝乾德六年錢氏建建炎初兵火德清城山請廢額去凡三十年再得舊額今方葺治

澤心院在縣西北二十五里磴頭本朝建隆元年錢氏即古寺基建名龍安院治平二年改今額

等慈院在安吉縣東三里四龍湖山吳越錢氏建號永

安禪院舊有永安寺在縣東南四十里梁天監三年六月置隋開皇八年十月廢本朝治平

二年改今額西大觀中重修宗子博士魯百能撰記

靈芝塔院在等慈院西錢氏建

戒香院在縣西南六十里按坑本朝乾德二年錢氏建

號龍香禪院治平二年改今額

普滿院在縣北二十五里白茆晉開運二年錢氏建號

寶積院舊有寶積寺在縣南二十五里梁大同元年十月置天監五年九月廢本朝治平

二年改今額

普潤院在縣西南八十里荻浦晉天福六年錢氏建名

長慶院本朝治平二年改今額

華嚴院在縣東南二十里銅峴山周廣順三年錢氏建

名寶相院本朝治平二年改今額
華嚴院在縣東南四十五里塔隴乾德三年錢氏建名
資福院治平二年改今額
普慈院在縣西南五十里古浮山晉天福四年錢氏建
名安樂院本朝治平二年改今額葛勝仲詩云路出古
浮山木杪飛華屋卽此處也
德山禪院在縣西南三十五里唐龍紀二年建天祐四
年吳越王改爲五峰興國院本朝大中祥符元年又改
今額
淨慧院在縣西南八十里杭干晉開運二年錢氏建名
禪定院本朝治平二年改今額

廣慈院在縣東南三十五里本朝建隆元年錢氏建名
永慶禪院治平二年改今額寺有天聖五年通判杭州
陳詒所撰永慶院彌陀殿記

禪源院在縣西九十里銅坑本朝乾德二年錢氏建名
龍居院治平二年改今額

寶梵院在縣西半里晉天福五年錢氏建名保安院本
朝治平二年改今額寺有山塔在谿外

北門接待院本朝紹興元年準尙書省黃給度牒未曾
賜額院有廬舍那佛閣萬壽尼院崇寧元年建

本縣有寺二十七其二十四係舊圖經所載除樂平
崑山前代所置外餘二十二皆錢氏所爲以安吉一

方而所置寺繁盛如此民何以堪哉外有齊梁等六
寺除永安保積修道為後人所取名外有齊弘寺

吉安

縣南七里齊永明三年十月置隋開皇八年五月廢

弘

北門對寺刻本

隋平二平如今

齊梁刻寺刻西半里晉天師正平

刻寺刻西半里晉天師正平

刻寺刻西半里晉天師正平

刻寺刻西半里晉天師正平

刻寺刻西半里晉天師正平

吳興志卷十三

南二十五里本

